



水經注箋序



水經在楊用修時以為久湮



撥刻方始而去其註近方有

吳歙二刻并注盛行於世惜

其中尚不無訛謬嘗謂古書

一有訛謬便成廢書然在他  
書訛者猶可以理測可以意  
更且一字之訛未必能累篇  
一篇之訛未必能累卷惟水  
經有訛非足跡所履非圖籍

所載不敢擅定且出過注入  
之異勢也江淮河漢之異名  
也一字之訛逕派稍異分合  
頓殊此無以通彼無以受譬  
之人身脉絡之間一節有碍

即為痿廼故是書校刻之難  
尤倍他書南州王孫鬱儀氏  
專攻此書有年而架帙甚富  
腹笥更廣又與四方博雅之  
士所得于遐按逖覽者互相

參糾蘄歸于臯遂成此書忠

臣李生克家佐有勞勩一日  
持以相過余往讀是書每遇  
疑處不能自通輒為寘卷令  
得聞所未聞喜而刊之于署

因嘆古人著書立言皆于古  
無所沿于人無所倚或窮天  
文陰陽之變或索輿地廣濶  
之形或藉之名山大川或馮  
之耳目手足或闢千古特立

之見或創從來未有之書故  
終其身著一家言以成名而  
今人載籍滿目勘訂甚易乃  
不能為古人保已成之緒則  
何古今人之不相及也世界

有四大水居其一然古今至  
變者亦莫如水乃有疑是書  
與今水不無相迕者不知此  
適以明其變耳又有疑棗欽  
于史缺其名者夫司馬遷之

傳以史記也至于漢書一傳  
不過寫其自序文耳何足重  
遷班固之傳以漢書也亦不  
以范曄後漢書之一傳重也  
欽以水經傳奚必以史重於

經耶又有謂酈注太贅者經  
固宜簡注固宜煩經宜據實  
以書注宜旁引以證彼疑其  
任傳而疑經者不曰郭之注  
劉之注裴之注非注也各自

為一書以行也何獨疑于酈  
乎况其鈎採羣書引鋪抒述  
新益見聞尚慮是書之易竟  
矣今注箋一出而變者可定  
缺者可信博者可該疑者可

證是經之功不在禹下而箋  
校之功亦不在欽下矣李生  
謂是書成當一序之余笑曰  
水經無容序也水經而贅之  
以序猶序書經而贊其政事

之嘉序詩經而稱其風雅之  
致也不幾于爝火而助日月  
之光乎古今序水經者皆複  
語也可無序也惟序其所以  
箋校水經者如此其諸君氏



之姓名則俱載編首之下  
萬曆乙卯年夏四月朔一日  
西楚李長庚撰



南州後學朱統錕書

水經序

敘曰水之爲德大矣哉道生天一職統材五發始  
西極產母隅也折赴東墟趨子方也瀝涌昭化妙  
之初質流瀾符於穆之神用厚氣肇之升盛露雨  
由之感澤象曜資之光朗玄黃本之浮載穹灝倚  
之配密雲漢會之紀戒圖書託之興瑞祗軸寄之  
融絡是以寓目者歎其渾逝臨淵者頌其靈長且  
兆類非此無以胚阜萬里非此無以準平體養非  
此無以烹繕而育年壤墟非此無以灌溉而興穀

法其形勢而樹都廟因其限隔而分州域軸轡輿  
而窮遐互通堤鑿成而垣瘠咸利鍾匯之區則珠  
玉以登枯絕之野則林壑不毛函夏泰和則皇波  
達貫坦乎國紀封原割畫則百川斷裂洋然險防  
况其精通天步體轄人事海安而知內寧河清而  
期聖出徙焉卜廢竭以表亡則代運之隆衰而姓  
庶之災吉亦可觀也但卑赴其常決疏爲順平成  
之績繁在夏書其宣導也必探夫源首其排入也  
必極夫歸納以奠以敷號名俱炳厥後九丘不傳

四嶽埤緼周官存數漫之略爾雅開崑崙之端  
司馬遷之載河渠夙仲雍之筆江記偏係一方  
兼八表况王澤寢消地象俱廢樂廣闢者湮其溝  
洫便私謀者壅其湍泉公家醜激巨右改張是以  
啓塞靡恒陵谷皆變洪鉅者失其包帶微纖者隴  
其營緯紘紘訥訥莫之質竟也已故漢之桑鑠特  
創此作追法貢體錄爲新經羅併四際總勒一典  
凡所引天下之水百三十有七苟非經流不在記  
註之限錯陳舊纂以備參鈎派盡條科以釐脉衍

務討異奇同蔚宗之旨趣嚴標郡縣肖鞏固之鋪  
設是乃曠絕之觚翰也然規網則舉解節未彰迨  
於後魏酈道元因景純之濫觴足君長之簡逸以  
博洽之弘襟擅圖輿之顧學隨經抒述掇籍弘鋪  
剖說十倍於前文揮述半陟其歸履或衆援以明  
說或極辨而較是或哀述以昭邇或廓無而續有  
故凡過歷之皋維夾前之坻岸環間之亭郵跨俯  
之城陸鎮被之巖嶺廻注之溪谷瀕枕之鄉聚登  
眺之臺館建樹之碑碣沈淪之基落靡不旁悉

收左撫右采豈曰桑欽之詰釋實所以粉飾漏關  
銓次疆隅乃相濟而爲編者也省曾又覽古山海  
經十八卷亦宇中之通撰也一則主於敘山而水  
歸詳綴一則專於紀水而山頗寓列蓋山者水之  
根底水者山之委枝故談伊洛者必連熊外語漆  
沮者遂及荆岐亦自然之偶屬而不可判離者也  
故併合以傳庶好古之賢無粹輯之煩勤爾客謂  
二經所記於今矛盾矣其將捨旃可乎予解之曰  
子何榆枋之安而螻蛄之拘也其伯益之覽疏猶

之炎農之辨味也桑鄴之活纂猶之姒禹之告成也今卉藥非簞簞之稽案咸賦豈驕華之志掌亦將擯本草以詭誕斥禹貢之遠闊可乎况山殊稱目而盤峙之形不眩焉水異分合而就下之情不惑焉粵溯往牒則遠方圖物夏鼎之鑄象也聶耳雕題湯令之備獻也白民黑齒成王之作會也出受八千管仲之蒐揚也殘遺秦柱蕭何之顯布也獵廣窮長王充之嗜信也以至孔疏據之以釋經漢志錄之而麗史齊澄演之而聚書唐典繫之而

廷部守節屢登於正義應麟富戢於地鈔江淹之而不能吉甫剛之而頓躓古人崇好文獻足徵苟欲指核希怪狀寫物靈暢探荒極理驗遷圮裁量利害差剖離翕鑿度率矜宅定中外作起民緒咨諏帝采則二經者亦寰內不刊之珍典也嘉靖甲午春二月吳郡黃省曾撰

水經注序

後魏鄴道元撰

易稱天以一生水故氣微於北方而為物之先也玄中記曰天下之多少者水也浮天載地高下無不玉萬物無不潤及其氣由扁

此是鄴亭序  
存從孫潛夫本  
錄得惜其失也  
已大半矣然言  
先決羽要為天  
下至寶者我  
內何氏最稱

水經注卷之... 女... 四

博覽五精校  
學深以不見此  
序為憾僅於  
玉海摘取為  
記著教語而云  
必得宗本乃為  
全篇則予今  
日之獲較之先  
正不既多乎乾  
隆甲子仲春哉  
生明之日勿藥  
子述  
後三年丙寅  
中秋鉅竟覆  
審定

石精薄膚寸不嵩朝而澤合靈寓者神莫與並矣是以達者不  
能測其淵冲而盡其鴻深也昔大禹記著山海周而不備地理志其  
所錄簡而不周尚書本紀與職方俱畧都賦所述裁不宣其  
水經雖粗綴津緒又關旁通所謂各言其志而罕能備其宣  
導者矣今尋園訪蹟者極於州域之說而涉土遊方者寡能  
達其津照縱髣髴前聞不能不稱闕文洄湍決瀆音纏絡  
枝煩條貫手夥十二經通尚或難言輕流細漾固難辯究正可  
自獻逕見之心備陳舉彼之說其所不知蓋闕如也所以撰  
證三經附其枝要者庶備忘悞之矜求其尋省之易下闕

世乃不同川渠隱顯書圖自貿或亂流而攝詭號或直  
絕而生通稱枉渚交奇

高下無所不至萬物無所不潤 不崇朝

條貫系夥 輿徒之說 所以譏證本經

鈔補鄺道元水經注原序缺文

深屏營也余少無尋山之趣長違問津之性識絕深經  
道淪要博進無訪一知二之機退無觀隅三反之慧獨  
學無聞古人傷其孤陋捐喪辭書達士嗟其面牆默室  
求深閉舟問遠故亦難矣然毫管闕天厯筭時昭飲河  
酌海從性斯畢竊以多暇空傾歲月輒述水經布廣前  
文大傳曰大川相間小川相屬東歸于海脈其枝流之  
吐納診其沿路之所躔訪瀆搜渠緝而綴之經有謬誤  
者考以附正文所不載非經水常源者不在記注之限  
但縣古芒昧華戎代襲郭邑空傾川流戕改殊名異目

鈔補酈道元水經注原序缺文

深屏營也余少無尋山之趣長違問津之性識絕深經道淪要博進無訪一知二之機退無觀隅三反之慧獨學無聞古人傷其孤陋捐喪辭書達士嗟其面牆默室求深閉舟問遠故亦難矣然毫管闕天厯筭時昭飲河酌海從性斯畢竊以多暇空傾歲月輒述水經布廣前文大傳曰大川相間小川相屬東歸于海脈其枝流之吐納診其沿路之所纏訪瀆搜渠緝而綴之經有謬誤者考以附正文所不載非經水常源者不在記注之限但緣古芒昧華戎代襲郭邑空傾川流戕改殊名異目世乃不同川渠隱顯書圖自貿或亂流而攝詭號或直絕而生通稱枉渚交奇

高下無所不至萬物無所不潤 不崇朝  
條貫系夥 輿徒之說 所以譏證本經



水經注箋序

在昔志地者禹貢而下代有撰述迄于齊梁至二百四十四家陸常侍澄任太常昉先後集為一部名地理書極稱該博隋唐之際圖史散失陸任所纂已不可得而別集自行者猶五十餘家乃今所傳僅山海佛國十洲神異數種而已然而奇編奧記往往散見水經注中造語命詞殊為彪炳則知水經一注擷彼二百四十四家菁英居多豈不誠為六朝異書哉顧傳寫既久錯簡譌字交棘口脛

至不可讀余甚病焉間嘗紬繹割正十之六七已  
與友人綏安謝耳伯葵源孫無撓商榷校讎十得  
八九則懼古今聞見互有異同未敢輕致雌黃也  
乃援引載籍以爲左券名曰水經注箋篋而藏之  
萬曆甲寅齊安李公分陝江右旣及奏最政教恢  
卓風化穆清甘棠之頌洋溢郡國間於退食之暇  
延見紳帶表章幽微一日詢古先逸典于太學生  
宗嗣宗偶以不佞水經注箋對公遽索觀之  
然嘆曰是書脫誤可憾幾欲淪廢乃今箋校精

定後續貨此  
序蓋宮誦諫

詳殆還酈氏舊物可無與當世好古之士共覩乎  
遂損鍍梓之仍屬嗣宗董校其事極深研幾閱五  
月而告成嗟乎水經一書原本山川而作非有道  
業名理可味也又非當世博士家言所急也李公  
一見輒命梓之豈無槩于中哉夫水在天地間猶  
乎世之貨財也發源名山流成江河趨爲四海蘊  
爲雲氣還雨天下以浸潤萬物未嘗少壅也一有  
所壅卽至泛溢昏墊患被四方猶之高府之財瓊  
林大盈之藏蓄而不散納而不出理極勢窮潰決

雷駭此則不覩川壅而潰之禍也有國有家者使  
能因是水經之理引申觸類以施於政何患不地  
平而天成乎然則公之刻此用意蓋深遠矣非規  
規小識所能測度矣萬曆乙卯孟夏朔日南州朱  
謀埠撰

甲戌八月寓臨沂讀三國志因裴注而及此書鬱儀中尉非博士  
家言所急之請庶可解免然此書撰以自隨已逾一年始得寓自  
而余于科舉之學未嘗少進恐博士既從而味之如中尉者又  
將嗤鄙之耳 長洲何焯

水經注所引書目

尚書

毛詩

韓嬰序詩

春秋三傳

周官

禹本紀

山海經

穆天子傳

春秋說題辭

春秋考異郵

春秋元命包

春秋命曆序

握河記

洛書

括地圖

河圖視萌編

遁甲開山圖

河圖玉板

榮氏開山圖注

汲郡古文

汲冢璣語

禮合文嘉

考經援神契

論語摘補象

論語撰考識

河圖括地象

劉熙釋名

管子

淮南鴻烈解

燕丹子

韓詩外傳

國語

戰國策

世說新論

應劭風俗通

白虎通

竹書紀年

爾雅

郭緣生述征記

續述征記

釋氏西域記

郭義恭廣志

康泰扶南傳

法顯傳

十洲記

神異經

列異傳

關駟十三州志

黃義仲十三州記

段國沙州記

魏土地記

晉太康地記

王隱晉書地道記

楊泉物理論

相和雅歌錄

東觀漢記

傅暢晉書

張華博物志

薛瓚曰馬負人必為  
傳瓚而別者標指  
為子瓚者非是李  
善歌賦洛神賦亦  
作傳瓚。地輿未  
軍有太原薛瓚  
何焯記

薛瓚註漢書即漢書註周處風土記

應劭地理風俗記 袁崧晉國志

辛氏三秦記 車顯志書

漢晉春秋 千寶焚神記

帝王世紀 皇覽

輿略 戴延之西征記何云延之名祚見

晉後略 司馬彪郡國志

桑欽地理志 三齊略記

呂忱字林 漢官儀

陳留風俗傳國海傳

晏謨齊記 伏琛齊記

袁彥伯竹林七賢傳 盧涑四王起事

郭南中山記 上古聖賢冢地記理書

王粲英雄記 張顯逸氏傳

陸機洛陽記 潘岳關中記

文士傳 徐廣晉記

晉中州記 華嶠漢書

張璠漢記 漢宮記

劉澄之宋初記 常璩華陽國志

春秋後傳 述仙記郭著

玄中記

宜都記

涼土異物記

茂陵書

羅浮山記

蔣濟三州論

錢塘記

郭仲產襄陽記

來敏本蜀論

袁休明巴蜀志

漢中記

從征記

續述征記

鄒山記

樂資九州志

卽九州春秋

荊州圖副記

習鑿齒襄陽記

應劭十三州記

庾仲雍山水記

郭頒世語

嵩山記

裴淵廣州記

羅含湘中記

王歆始興記

劉敬叔異苑

王氏交廣春秋

竺芝扶南記

交州外域記

徐幹齊都賦

成公綏大河賦

鄧德明南康記

范泰古今善言

湘州記

遠公廬山記

楊氏南裔異物志

林邑志

劉欣期交州志

南越記

李尤盟津銘

大夏龍雀銘

張景陽玄武觀賦

劉公幹黎陽山賦

蔡邕述征賦

盧諶征艱賦

孫子荆故臺賦

繁休伯避地賦

袁宏北征賦

伏鞞北征賦

班叔皮遊居賦

魏文帝述征賦

傅逮艱遊賦

庾杲之注揚都賦

崔浩注西征賦

傅毅反都賦

崔琰述初賦

張平子溫泉賦

劉公幹魯都賦

左思齊都賦

楊脩五湖賦

應瑒靈河賦

諸葛亮與兄瑾書

諸葛亮與步騭書

孫暢之述征書

習鑿齒與謝安書

唐勒奏土論

孫暢之述畫

俞益期旅遊南中與韓康伯箋


旌陽先賢畫

英記

孫登玄陽駿與洛中故人書

何云善長生長河外表亂之修載籍蓋寡其所引用檢於劉昭之注補即國也特其所自唐以下又唐滅太平故後人視之猶多異聞新事耳

水經注卷目錄



卷第一

河水

一塞外入海  
北戎王第一清

卷第二

按班固漢書地理志金城郡河闕縣下云積石山在西南有中  
河中行塞外東入塞內至赤武入海昌郡十六行九千四百里

河水二

卷第三

河水三

卷第四

河水四

卷第五

何云玉海載道元序云昔大禹記著山海周而不備地理誌其所錄簡而不周尚書本紀與職方俱略此序新刻皆忘之必得宋本乃得全篇也



河水五

漂水 漂水地理志東郡東武陽縣下云高汝漂水東北至十乘入海

卷第六

汾水

入河 汾水地理志太原郡汾陽縣下云北山汾水出東南至汾陰入河

涑水

入河 涑水地理志太原郡晉陽縣同治水出木瓜嶺一出注嶺一出大

原公水

入汾 魏書地理志太原郡晉陽縣同治水出木瓜嶺一出注嶺一出大

洞淵水

入汾 魏書地理志太原郡晉陽縣同治水出木瓜嶺一出注嶺一出大

晉水

入汾 魏書地理志太原郡晉陽縣同治水出木瓜嶺一出注嶺一出大

卷第七

湛水

入河 魏書地理志太原郡晉陽縣同治水出木瓜嶺一出注嶺一出大

卷第八

濟水

入海 魏書地理志太原郡晉陽縣同治水出木瓜嶺一出注嶺一出大

卷第九

淇水

入河 魏書地理志太原郡晉陽縣同治水出木瓜嶺一出注嶺一出大

蕩水

入河 魏書地理志太原郡晉陽縣同治水出木瓜嶺一出注嶺一出大



卷第十五

洛水入河

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第十六

穀水入洛

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

甘水入洛

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

漆水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

澹水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

沮水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第十七

渭水上

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

伊水 澤志弘農郡 盧氏縣熊耳 山伊水出東 北入雒之郡 一仍四百五 里 澤志河內郡 穀陽成縣禹 有澤水出晉 亭北東有 入雒 澤志弘農郡 新上縣禹有 渭水在東南 入洛 洛中

澤志北地郡 昭注縣下云 洛水在弘農 黃中入河又 老馮翊襄注 縣下云洛水 東南入渭雍 州浸

卷第十八

渭水中

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第十九

渭水下

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第二十

漾水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

丹水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第二十一

汝水

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

卷第二十二

伊水入洛 瀍水入洛 澗水入洛 伊水入洛 瀍水入洛 澗水入洛 伊水入洛 瀍水入洛 澗水入洛

澤志北地郡 昭注縣下云 洛水在弘農 黃中入河又 老馮翊襄注 縣下云洛水 東南入渭雍 州浸

潁水入淮 潁水地理志潁川陽城縣下云陽乾山潁水出東南至下卷

洧水入潁 潁水潁川郡陽城縣下云陽城山洧水出東南至長平入

潁水入潁 潁水潁川郡陽城縣下云陽城山潁水出東南至長平入

潁水入潁 潁水潁川郡陽城縣下云陽城山潁水出東南至長平入

卷第二十二

陰溝水入淮 潁水淮陽國扶溝縣下云尚中首受狼陽渠東至向

汲水 潁水潁川郡陽城縣下云復水首受狼陽渠東至扶溝城入泗

卷第二十四

睢水入泗 潁水陳留郡封丘縣下云僕渠水首受汝水東北至都

瓠子水入濟 潁水濟南郡瓠子縣下云瓠子水首受汶水東北至都

渠水入淮 潁水河南郡滎陽縣下云狼湯渠首受汝水東北至都

可見 潁水地理志

汶水入海 潁水地理志太原山郡萊蕪縣下云原山首出汶水出

卷第二十五

泗水入海 潁水地理志泗水出陶丘北至淮水入海

沂水入海 潁水地理志沂水出陶丘北至淮水入海

卷第二十六

沫水入海 潁水地理志沫水出陶丘北至淮水入海

巨洋水入海 潁水地理志巨洋水出陶丘北至淮水入海

淄水入海 潁水地理志淄水出陶丘北至淮水入海

汶水入海 潁水地理志汶水出陶丘北至淮水入海

濰水入海 潁水地理志濰水出陶丘北至淮水入海

膠水入海

卷第二十七

沔水上

卷第二十八

沔水中

卷第二十九

沔水下

潛水

湍水

均水

會江入海

沔水地理志臨西郡氏道縣高有秦水出至武都又為沔水或郡或縣或縣東沔水交氏道中一名沔水江夏沔水入江夏入江又武都郡沮縣沮水出史振谷南入沔水自入江之郡也

入江

沔水地理志沔水出武都入江

入清

入沔

沔水地理志沔水出武都入江

粉水

白水

泚水

卷第三十

淮水

卷第三十一

潢水

涇水

灑水

灑水

入沔

入清

入清

入海

入汝

入沔

入潁

入汝

寰宇記於中出房陵縣北水林山

今氏祖嘗曰此水出沔水以謂秦陽白水者也秦陵討徒于

沔水南陽郡泚陽縣應劭曰泚水更入沔

淮水地理志淮水出武都入江

潢水地理志潢水出武都入江

涇水地理志涇水出武都入江

灑水地理志灑水出武都入江

灑水地理志灑水出武都入江

瀧水 入汝 澤在陽郡壽隆縣中陰山觀水出至春入汝水

瀨水 入汝 澤在潁川郡壽陽縣應助曰壽水出南入今壽澤方誤也

瀕水 入沔 沔水出南陽秦陽東入夏水

卷第三十二

濛水 入沔

斬水 入江

決水 入淮 澤在廣江郡豐安縣決水北至廣淮又有淮水之北

泚水 入淮 泚水入壽陽郡

泄水 入淮 泄水入淮水

水 入淮 水入淮水

熱水 入巢湖

沮水 入江 澤在漢中郡房陵縣東山沮水出東至郢入江

漳水 入江 澤在河南郡臨淮縣禹有南條荆山在東北漳水出

夏水 入沔 澤在河南郡華陰縣夏水有受江東入沔行五百里

羌水 入江 澤在秦州郡羌道縣羌水出城外南至陰平入白水

涪水 入江 澤在廣漢郡涪縣涪水出城外南至涪水入江

潼水 入沔 澤在廣漢郡梓潼縣五婦山馳水出南入沔行五百

涿水 入沔 澤在涿郡中郡南鄭縣旱山也水出東北入涿無涿

卷第三十二

江水 入江 而或至第一清 涿郡水

江夏水 入江 澤在廣漢郡涪縣涪水出城外南至涪水入江

卷第三十四

江水二

得志蜀郡清江道縣高有岷山在西南微外江水出東南至江都入江是也郡大行七千六百六十里入廣德郡尋陽下云高有江在尋陽東合大江

卷第三十五

江水三

卷第三十六

青衣水入江

桓水入南海

若水入江

沫水入江

延江水入西水

得志蜀郡高有桓水出蜀山西南行入中入南

得志蜀郡旄牛縣若水出微外南入大奔入德

得志蜀郡旄牛縣若水出微外南入大奔入德

得志蜀郡旄牛縣若水出微外南入大奔入德

沔西水

存水

温水

卷第三十七

淹水

葉榆水

夷水

油水

澧水

沅水

沔水入沅南附沅中為酉陽縣鹿劬曰沔中沙出東入湘得志武陵郡沔縣酉原山沔水出南入沅後

入潭水入沅行千二百里

得志荆州郡鍾封縣温水東至廣濟入潯之郡之千五百

得志注南海十里理之南至盤入點中點水亦南入盤入江

得志温水出越外東入若水

得志益州郡葉榆水出葉榆水在東

得志南郡葉榆水東至夷道入江是也郡之千五百四十里

得志南郡高成縣泥山泥水出東入縣之千五百至

得志武陵郡之千五百里今據其水之出東至下德入

得志荆州郡故其南縣沅水東南至益陽入江是也郡之千

浪水入南海中

漢志武陵郡鐘成縣下云原谷中而入海原石中豈浪

卷第三十八

資水入江

漢志地理志零陵郡都縣山資中流出東

漣水入湘

湘水入江

漢志零陵郡零陵縣陽海山湘中流出北至鄰入江

灘水入鬱

漢志零陵郡零陵縣離水東南至廣信入鬱

溱水入鬱

漢志桂陽郡臨武縣秦水東南至涇陽入涇

卷第三十九

匯水入溱

漢志桂陽郡桂陽縣匯水南入溱

深水入湘

漢志匯水出桂陽南入營道

鍾水入湘

耒水入湘

沘水入湘

漉水入湘

瀏水入湘

澗水入湘

贛水入江

廬水入江

卷第四十

漸江水入海

漢志廬江郡... 陽東有... 廬水出... 漸江... 丹陽... 中東...

漢志廬江郡... 漸江... 丹陽... 中東... 漢志長沙國... 漢志長沙國... 漢志長沙國...



江中東至金橋  
山陰石涉江  
下中水入江

斤江水入鬱

水經注卷第一

九

水經注箋卷第一

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

河水一

崑崙墟在西北

三成爲崑崙丘崑崙說曰崑崙之山三級下曰樊

桐一名板松二曰玄圃一名閭風上曰增城一名

天庭是謂太帝之居

風樊桐在崑崙間闔之中山上層城九重楚辭云崑崙縣圃其尻安在增城九重其高幾里

崑崙墟在西北第一行九十四百里

水經注

卷一

水經注

遊仙詩云結友家板桐但  
未聞板松耳疑或字譌

去嵩高五萬里地之中也

禹本紀與此同高誘稱河出崑山伏流地中萬三  
千里禹導而通之出積石山按山海經自崑崙至  
積石一千七百四十里自積石出隴西郡至洛準  
地志可五千餘里又按穆天子傳天子自崑崙山  
入于宗周乃里西土之數自宗周灑水以西此至  
于河宗之邦陽紆之山三千有四百里自陽紆西  
至河首四千里合七千四百里外國圖又云從大  
晉國正西七萬里得崑崙之墟諸仙居之數說不

同道岨且長逕記綿襖疑當作經水陸路殊徑復  
不同淺見末聞非所詳究不能不聊述聞見以誌  
差違也

其高萬一千里

山海經稱方八百里高萬仞郭景純以為自上二  
千五百餘里淮南子稱高萬一千里百一十四步  
三尺六寸

河水

春秋說題辭曰河之為言荷也荷精分布懷陰引  
度也釋名曰河下也隨地下處而通流也考異郵

曰河者水之氣四瀆之精也。所以流化。元命苞曰五行始焉萬物之所由生。元氣之腴液也。管子曰水者地之血氣筋脈之通流者。故曰水其具財也。而水最為大水。有大小有遠近。水出山而流入海者。命曰經水。引他水入於大水及海者。命曰枝水。出於地溝流於大水及於海者。又命曰川水也。莊子曰秋水時至百川灌河。經流之大。孝經援神契曰河者水之伯。上應天漢。新論曰四瀆之源。河最高而長。從高注下。水流激峻。故其流急。徐幹齊都賦曰川瀆則洪河洋洋。發源崑崙。九流分遊。玉海引此

賦作九北朝滄淵驚波沛厲望沫揚奔風俗通曰江淮河濟為四瀆。瀆通也。所以通中國。垢濁白虎通曰其德著大。故稱瀆。釋名曰瀆獨也。各獨出其所而入海。

五

出其東北取

山海經曰崑崙墟在西北。河水出其東北隅。爾雅

曰此下當補河出。崑崙墟五字。色白。所渠并千七百一川。色黃。

物理論曰河色黃者。眾川之流。蓋濁之也。百里一

小曲。千里一曲。一直矣。漢大司馬張仲議曰。張仲

事出桓譚新論而漢書溝洫志議河濁不宜漑田者乃大司馬史長安張戎字仲功今稱大司馬張

仲疑有河水濁清澄一石水六斗泥而民競引河脫誤溉田今河不通種至三月桃花水至則河決以其噎不洩也禁民勿復引河是黃河兼濁河之名矣述征記曰盟津河津恒濁方江為狹比淮濟為闊寒則冰厚數丈冰始合車馬不敢過要須狐行云此物善聽冰下無水乃過人見狐行方渡余按風俗通云里語稱狐欲渡河無如尾何且狐性多疑故俗有狐疑之說亦未必一如緣生之言也述征記是

郭緣生

從其東南流入于渤海

山海經曰南即從極之淵也一日中極之淵深三百仞唯馮夷都焉括地圖曰馮夷恒乘雲車駕二龍河水又出於陽紆凌門之山而注於馮逸之山穆天子傳曰天子西征至陽紆之山河伯馮夷之所都居是惟河宗氏天子乃沈珪璧禮焉河伯乃與天子披圖視典以觀天子之寶器玉果璿珠燭銀金膏等物皆河圖所載河伯以禮穆王視圖方乃導以西邁矣粵在伏羲受龍馬圖於河八卦是也故命歷序曰河圖帝王之階圖載江河山小宋本川州界之分野後堯壇於河受龍圖作握河記

何修...  
分...  
上...  
...  
...  
...

逮虞舜夏商咸亦受焉。李尤盟津銘洋洋河水朝

宗于海徑自中州龍圖所在淮南子曰昔禹治洪

水具禱陽紆蓋於此也高誘以為陽紆秦藪非也

釋氏西域志曰阿耨達太山其上有大淵水宮殿

樓觀甚大焉山即崑崙山也穆天子傳曰天子升

崑崙封豐隆之葬豐隆雷公也雷電龍雷電龍即

阿耨達宮也其山出六大水山西有大水名新頭

河郭義恭廣志曰甘水也在西域之東名曰新陶

水山在天竺國西水甘故曰甘水有石鹽白如水

精大段大段常作火燬則破而用之康泰曰安息月支天

竺至伽那調御皆仰此鹽釋法顯曰度葱嶺已入

北天竺境於此順嶺西南行十五日其道艱阻一作

阻崖岸險絕其山唯石壁立千仞臨之目眩欲進

則投足無所下有水名新頭河昔人有鑿石通路

施傍梯者凡度七百渡梯已躡縣緮過河河兩岸

相去咸八十步九驛所絕法顯傳作九驛所記漢

之張騫甘英皆不至也張騫以通西南夷封博望

英窮臨西海備其土風傳余診諸史傳即所謂罽

賓之境有盤石之磴道狹尺餘行者騎步相持緮

橋相引二千許里方到縣渡阻險危害不可勝言

九譯所絕言其路  
險無人行跡也  
唐書張仲武傳  
李德裕銘曰萬  
里已矣九譯而  
通譯字為異何  
校本同

漢書西域傳核

大經注卷一

卷一

五

命和化

郭義恭曰烏耗之西有縣渡之國山谿不通引繩而渡故國得其名也其人山居佃于石壁間累石為室民接手而飲所謂爰飲也有白草出小步馬有驢無牛是其縣渡乎釋法顯又言渡河便到烏菴國烏菴國即是北天竺佛所到國也佛遺足跡於此其跡長短在人心念至今猶爾及曬衣石尚在新頭河又西南流屈而東南流逕中天竺國兩岸平地有國名毗荼佛法興盛又經蒲蒲音顯那河河邊左右有二十僧伽藍此水逕流逕摩頭羅國而下合新頭河自河以西天竺諸國自是以南皆

何按下  
作蒲那  
作正

為中國人民殷富中國者服食與中國同故名之為此下疑脫國也泥洹已來聖眾所行威儀法則相承不絕自新頭河至南天竺國迄于南海四五萬里也釋氏西域記曰新頭河經罽賓犍越摩訶刺諸國而入南海是也阿耨達山西南有水名遙奴山西南小東有水名薩罕小東有水名恒伽此三水同出一山俱入恒水康泰扶南傳曰恒水之源乃極西北出崑崙山中有五大源諸水分流皆由此五大源枝扈黎大江出山西北流東南注大海枝扈黎即恒水也故釋氏西域志有恒曲之目

恒北有四國最西頭恒曲中者是也有拘夷那竭

國法顯傳曰恒水東南流逕拘夷那竭國南城北

雙樹間有希連禪河觀佛三昧經自照出河佛國

尼連禪河法顯傳無禪字謝邊世尊於此北首般

泥溼佛國記作此首般泥溼河東法顯傳

舍利處支僧載外國事曰佛泥溼後人人以新白

縹裹佛以香花供養滿七日盛以金棺送出王宮

渡一小水水名醯蘭那去王宮可三千里在宮北

以旗此旗名阿舍經云此旗名阿舍

為第木為薪天人各以火燒薪薪了不然大迦葉

從流沙還不勝悲號感動天地從是之後他新不

燒而自然也王斂舍利用金作斗量得八斛四斗

諸國王天龍神王各得少許齋還本國以造佛寺

阿育王起浮屠於佛泥溼處雙樹及塔今無復有

也此樹名婆羅樹其樹華名婆羅法也此華色白

如霜雪香無比也竺一作扶南記曰林楊國去

金陳國步道二千里車馬行無水道眾國事佛有

一道人命過燒葬燒之數千束樵故坐火中乃更

著石室中從來六十餘年尸如故不朽竺枝自見

之夫金剛常住是明未存舍利利自見畢天不

婆羅樹

孫潛尸本作目

亂流下視一字

黃本

千五百七十四  
為十二  
句  
去  
此

朽所謂智空罔窮大覺難測者矣其水亂流於恒  
恒水又東逕毗舍離城北釋氏西域志曰毗舍利  
維邪離國也支僧載外國事曰維邪離國去王舍  
城五由旬城周圍三由旬維詰家在大城裏宮  
之南去宮七里許屋宇壞盡惟見處所爾釋法顯  
云城北有大林重閣佛住於此本菴婆羅女家施  
佛起塔也城之西北三里塔名放弓仗恒水上流  
有一國王王小夫人生肉胎大夫人妬之言汝之  
生不祥之徵即盛以木函擲恒水中下流有國王  
遊觀見水上木函開看見千小兒端正殊特王取

東隱替夫  
上文注云  
里場名故  
字是也

孫潛夫云  
子即持字之  
訛也

養之遂長大甚勇健所往征伐無不摧伏次欲伐  
父王本國王太愁憂小夫人問何故愁憂王曰彼  
國王有千子勇健無比欲來伐吾國是以愁爾小  
夫人言勿愁但於城東作高樓賊來時置我樓上  
則我能却之王如是言賊到小夫人於樓上語賊  
云汝是我子何故反作逆事賊曰汝是何人云是  
我母小夫人曰汝等若不信者盡張口仰向小夫  
人即以兩手將乳佛國記作兩手構乳按大集月  
藏經云牛穀乳時出醇淨乳亦  
讀若構互乳作五百道俱墜千子口中賊知是母  
即放弓仗二父王作是思惟皆得辟支佛今二塔



猶在後世尊成道告諸弟子是吾昔時放弓仗處  
 後人得知於此處立塔故以名焉千小兒者即賢  
 劫千佛也釋氏西域志曰恒曲中次東有申迦扇  
 柰揭城也也字疑佛下三寶階國也法顯傳曰恒  
 水東南流逕僧迦施國南佛自切利天東下三道  
 寶階為母說法處寶階既沒阿育王於寶階處作  
 塔後作石柱柱上作師子像外道少信師子為吼  
 怖懼心伏舊作怖效心誠佛國記云師子乃大恒  
 水又東逕罽賓饒夷城南南接恒水城之西北六  
 七里恒水北岸佛為諸弟子說法處恒水又東南

何...  
 效...  
 何...

逕沙祇法顯傳云國北出沙祇城南門道東佛嚼  
 楊枝刺土中生長七尺不增不減今猶尚在恒水  
 又東南逕迦維羅衛城北故曰淨王宮也城東五  
 十里有王園園有池水夫人入池洗浴出池北岸  
 二十步東向舉手攀樹生太子太子墮地行七步  
 二龍吐水浴太子遂成井池眾僧所汲養也太子  
 與難陀等撲象角力射箭入地今有泉水行旅所  
 資飲也釋氏西域記曰北域志城北三里恒水上  
 父王迎佛處作浮圖作佛疑當抱佛像外國事曰  
 迦維羅越國今無復王也城池荒穢惟有空處有

遊浮圖天宮不  
作

按史記止義引子  
圖經曰太子生處名祇  
浮圖在舍衛國南  
四里是也名須彌  
起有阿育王樹也  
夫舍衛太子樹也  
相傳名義阿育樹  
大論謂然時阿育  
王經三月八日大  
往毘藍尼園日  
五百餘人右手樹  
右脇上後法法內

傳云明帝問序勝  
法師云佛生日月  
知否勝曰昭王二  
年中寅之歲寅八  
日子毘藍園內波  
羅樹下右脇而誕  
法北珠林引云  
云是時序勝云  
地以手執波羅樹  
枝託即生菩薩是  
佛母所攀之樹名  
無量又名波羅不  
知于何字之義何  
居

優婆塞姓釋可二十餘家是昔淨王之苗裔故為

四姓詳見摩  
登伽經住在故城中為優婆塞故尚精進猶

有古風彼日浮圖壞盡條王彌更修治一浮圖私

訶條王遜物助成今有十二道人住其中太子始

生時妙后所攀樹樹名須彌須字之下原缺一字  
因果經云樹名無憂

即此阿育王以青石作后攀生太子像昔樹無復

有後諸沙門取昔樹栽種之展轉相承到今樹枝

如昔尚蔭石像又太子見行七步足跡今日文理

見存阿育王以青石挾足跡兩邊復以一長青石

覆上國人今日恒以香花供養尚見足七形文理

分明今雖有石以人復以數重古具

重覆貼著石上逾也太子生時以龍王夾太

子左右吐水浴太子見一龍吐水煖一龍吐水冷

遂成二池今尚一冷一煖矣太子未出家前十日

出往王田闍浮樹下坐樹神以七寶奉太子太子

不受於是思惟欲出家也王曰去宮一據據左一

據據右晉言十里也此處字誤當作王田去宮一  
據據左一據據者晉言十里

也佛國記云城東北數里有  
王田太子樹下觀耕處可證太子以三月十五日

夜出家四天王來迎各捧馬足爾時諸神天人側

塞空中散天香花此時以至河南摩强水即於此

維摩經注卷一  
又加維摩經注

法為不淨水  
經云身如地  
名三三相放光  
明普照三千大千  
世界維摩經云三  
日月為三千大千  
之中央也釋迦世  
法苑珠林云佛有  
一百萬億日月四  
百萬億三千大千  
世界其要故如法  
之判非也而詳注  
內經云身如地國  
是南極也居之  
氏云天竺國也此  
而言天地中央未  
為甚濫據此未  
察非是

水邊作沙門河南摩强水在迦維羅越北相去十

由旬此水在羅閱祇瓶沙國相去三十由旬菩薩

於是暫過瓶沙王出見菩薩菩薩於瓶沙隨樓那

果園中住一日日暮便去半達鉢愁宿半達晉言

白也鉢愁晉言山也白山此此當去瓶沙國十里

明日便去暮宿曇蘭山去白山六由旬於是逕詣

貝多樹貝多樹在貝多闍低北去曇蘭山二十里

太子年二十九出家三十五得道此言與經異故

記所不同按晉羅經云菩薩於樹下坐明星出時

小竺法維曰迦維羅國佛所生天竺國也三千日月

萬一本二千天地之中央也康泰扶南傳曰昔范

旃時有譚楊國人家翔梨嘗從其本國到天竺展

轉流賈至扶南為旃說天竺土俗道法流通金寶

安積安積當山川饒沃恣其所欲左右大國世尊

重之旃問之今去何時可到幾年可迴梨言天竺

去此可三萬餘里往還可三年踰及行四年方返

以為天竺之中也恒水又東逕藍莫塔塔邊有池

池中龍守護之阿育王欲破塔作八萬四千塔悟

龍王所供知非世有遂止此處有脫誤按佛國

作八萬四千塔龍使見身持王入其宮中觀諸供

荒蕪無人羣象以鼻取水灑地若蒼梧會稽象耕  
鳥耘矣恒水又東至五河合口蓋五水所會非所  
詳矣阿難從摩竭國向毗舍離欲般泥洹諸天告  
阿闍世王王追至河上毗舍離諸梨車聞阿難來  
亦復來迎俱到河上阿難思惟前則阿闍世王致  
恨卻則梨車復怨即於中河入火光三昧燒身而  
般泥洹身二分各在一岸二王各持半舍利還  
起二塔渡河南下一由延到摩竭提國巴連佛邑  
邑即是阿育王所治之城城中宮殿皆起牆闕雕  
文刻鏤累大石作山山下作石室長三丈廣二丈

身而何  
核平作  
其高

高丈餘有大乘沙羅門子名羅汰私婆亦名文殊  
師利住此城裏爽悟多智事無不達以清淨自居  
國王宗敬師事之賴此一人弘宣佛法外不能陵

外下疑脫一追字  
常云外不能陵凡諸中國惟此城為大民人富

盛競行仁義阿育王壞七塔作八萬四千塔最初  
作大塔在城南三二一作里餘此塔前有佛跡起精  
舍戶北向塔塔南有石柱圍丈四五高三丈餘上  
有銘題云阿育王以闍浮提布施四方僧還以錢

贖塔北三四百步阿育王於此作泥犁城翻苑云  
梵稱泥

犁秦言無有言更無  
赦處是地獄名也中有石柱亦高三丈餘上有

佛一以指上名所  
游記佛堂行書  
石古書此重  
作三此句佛堂  
上佛堂  
鈔後行  
云佛指上名  
字  
王不問

師子柱有銘記作泥犁城因緣及年數日月恒水  
又東南逕小孤石山山頭有石室石室南向佛昔  
坐其中天帝釋以四十二事問佛一一以指畫石  
畫跡故在恒疑當水又西逕王舍新城是阿闍世  
王所造出城南四里入谷至五山裏五山周圍狀  
若城郭即是泝沙王舊城也前云瓶沙此云泝東  
西五六里南北七八里阿闍世王始欲害佛處其  
城空荒又無人徑入谷博山東南上十五里到耆  
闍崛山未至頂三里有石窟南向佛坐禪處西北  
三一作十步復有一石窟阿難坐禪處天魔波旬

化作雕鷲恐阿難佛以神力隔石舒手摩阿難  
怖即得止鳥跡于孔悉存故曰雕鷲窟也其山峰  
秀端嚴是五山之最高也釋氏西域記云耆闍崛  
山在阿耨達王舍城東北西望其山舊本此處錯  
誤以梵人來請佛處以下四百二十二字續此吳  
本亦然今尋釋文義原說鷲嶺首尾相應而波麗  
國即是佛外祖國也血脈亦復易知遂割正之  
後於謝耳伯處見宋本水經印證無復疑矣有  
兩峰雙立相去二三里中道鷲鳥常居其嶺土人  
號曰耆闍崛山山名耆闍鷲也又竺法維云胡語  
羅閱祇國有靈鷲山胡語云耆闍崛山山是青石  
頭似鷲鳥阿育王使人鑿石假安兩翼兩脚鑿治

其身今見存遠望似鷲鳥形故曰靈鷲山也數說

不同遠邇亦異今以法顯親宿其山誦首楞嚴香

華供養按法顯傳云即於石窟前誦首楞嚴聞見

之宗也又西逕伽耶耶作耶城南二十里到佛苦行

六年其坐樹處有林木按國記作本苦行西行

三里到佛入水洗浴天王按樹枝得攀出池處又

北行二里得彌家女奉佛乳糜處從此北行二里

佛於一大樹下石上東向坐食糜處樹石悉在廣

長六尺高減二尺國中寒暑均調樹木或數千歲

乃至萬歲從此東北行二十里到一石窟菩薩入

中西向結跏趺坐心念若我成道當有神驗石壁

上即有佛影現長三尺許今猶明亮時天地大動

諸天在空中言此非過去當來諸佛成道處去此西

南行減半由延古本作減半由旬佛國記作減半

百弓為一拘盧舍今之二里也八拘盧舍為一由旬

今十六里也又云梵衆天身長半由延梵福樓

數疑與由旬同義而字殊耳具多樹下是過去

當來諸佛成道處諸天尊引菩薩起行離樹三十

步天授吉祥草菩薩受之復行十五步五百青雀

飛來繞菩薩三匝西去菩薩前到具多樹下敷吉

祥草東向而坐時魔王遣三玉女從北來試魔王

何云由延半由延之  
此等無一定之名  
也又云由延半由延  
疑与由延同字而  
字殊耳

苦本核

法苑珠林卷之十一

自從南來試一本無菩薩以足指按地魔兵卻散

三女變為老姥不自服佛國記作魔兵退散三女

一莫字當佛於尼拘律樹下方石上東向坐梵

天來諸作諸疑佛處四天王捧鉢處皆立塔外國事

曰毗婆梨佛在此一樹下六年長者女以金鉢盛

乳糜上佛佛得乳糜住足尼連河浴按法苑珠林

云佛得乳糜住足尼連河浴據浴竟於河邊噉糜

竟擲鉢水中逆流百步鉢投河中迦梨郊龍王接

取在宮供養先三佛鉢亦見佛於河傍坐摩訶菩

提樹摩訶菩提樹去具多樹二里於此樹下七日

按

思惟道成魔兵試佛釋氏西域記曰尼連水南流

恒水水西有佛樹佛於此苦行日食糜六年西去

城五里許樹東河上即佛入水浴處東上岸尼律

立樹下坐修舍女上糜於此於是西渡水於於字

六年樹南具多樹下坐降魔得佛也佛圖調曰佛

樹中枯其來時更生枝葉竺法維曰六年樹去佛

樹五里書其異也法顯從此東南行還巴連佛邑

還巴連佛邑按佛國記作還向巴連弗邑又云巴

連弗邑是阿育王所治城中王宮殿皆使鬼神作

之順恒水西下得一精舍名曠野佛所住處復順

恒水西下到迦尸國波羅柰城竺法維曰波羅柰

國在迦維羅衛國南千二百里中間有恒水東南  
流佛轉法輪處在國北二十里樹名春浮維摩所  
處也法顯曰城之東北十里許即鹿野苑本辟支  
佛住此常有野鹿栖宿故以名焉法顯從此還居  
巴連佛邑又順恒水東行其南岸有瞻婆大國釋  
氏西域記曰恒曲次東有瞻婆國城南有佉平蘭  
池舊本作有上池水恒在北佛本說戒處也恒水  
又逕波麗國即是佛外祖元本此下接兩峰國也  
法顯曰恒水又東到多摩梨帝國即是海口也釋  
氏西域記曰大秦一名梨帝康泰扶南傳曰從迦

孫楷  
孫楷

字  
孫楷不詳  
孫楷夫改

那調洲西南入大灣可七八百里乃到枝扈黎大  
江口渡江逕西行極大秦也又云發拘利口入大  
灣中正西北入可一年餘得天竺江口名恒水江  
口有國號擔袂屬天竺遣黃門字興為擔袂王釋  
氏西域記曰恒水東流入東海蓋二水所注兩海  
所納自為東西也釋氏論佛圖列山海經曰西海  
之南流沙之濱赤水之後黑水之前有大山名崑  
崙又曰鍾山西六百里有崑崙山所出五水巖以  
佛圖調傳也又近推得康泰扶南傳傳崑崙山正  
與調合如傳自交州至天竺最近泰傳亦知阿耨

水經注卷一  
一  
一  
一



孫楷大史記

達山是崑崙山釋云賴得調傳蓋然為解乃宣為  
西域圖以語法汰法汰以常見怪謂漢來諸名人  
不應何何疑在敦煌南數千里而不知崑崙所在  
也釋云一云下有口字此疑無復書曰日當按  
穆天子傳穆王於崑崙側瑤池上觴西王母云去  
宗周灑澗萬有一千一百里何得不如調言子今  
見泰傳非為前人不知也而今以後乃知崑崙山  
為無熱丘何云乃胡國外乎余考釋氏之言未為  
佳證穆天子竹書及山海經皆攷編歲久編章稀  
絕書策落次難以緝綴後人假令多差遠意中云

淮南子

至若在古下訪地脈川不與經符  
驗程準途故自無會釋氏不復根其艱歸之鴻致  
陳其細趣以辨其非非所安也今按山海經曰崑  
崙墟在西北帝之下都崑崙之墟方八百里高萬  
仞上有木禾面有九井以玉為燄面有九門門有  
開明獸守之百神之所在郭璞曰此自別有小崑  
崙也又按淮南之書崑崙之上有木禾珠樹玉樹  
瓊樹不死樹沙棠琅玕在其東絳樹在其南碧樹  
瑤樹在其北傍有四百四十門門間四里里間九  
純純丈五尺傍有九井玉橫維其西北隅北門開

大經注卷一

卷一

以納不周之風傾宮旋室舊本作傾宮掖室縣圃涼風涼風

古本作閼風淮南于作涼風樊桐在崑崙閭闔之中是其疏圃

疏圃之池浸之黃水黃水三周復其源是謂丹水

飲之不死河水出其東北陬赤水出其東南陬洋

水出其西北陬弱水出自窮石于合黎凡此四水帝之神泉以和百藥以

潤萬物崑崙之丘或上倍之是謂涼風古本作之浪風

山登之而不死或上倍之是謂玄圃之山登之乃

靈能使風雨或上倍之乃維上天登之乃神是謂

太帝之居禹乃以息土填鴻水以為名山掘崑崙

墟以為下地高誘曰地或作池山海經曰不周之

謂何依黃不  
作崑崙曰  
作崑崙曰  
作崑崙曰

東山崑崙  
北海崑崙  
與黃河

山不周之北門以納不周之風則以髣髴近浮圖  
調之說阿耨達六水葱嶺于闐二水之限與經史

諸書全相乖異又按十三洲說崑崙山也據按十

方朔所撰崑崙等語具在記中此三字疑衍說字

當作記字也字亦衍當云十洲記崑崙山在西海

之戌在西海之戌地東海之亥地去岸十三萬里

有弱水周迴繞匝山東南接積石圃西北接北戶

之室東北臨大活之井西南至承淵之谷此四角

大山寔崑崙之支輔也積石圃南頭昔西王母告

周穆王去咸陽三十六萬里千洲記作王母告周穆王云咸陽去此四

十六萬里山高平地三萬六千里上有三角面方廣萬

準下...  
以...  
五...  
作...  
朱...

里形如偃盆。上有金臺玉闕。亦元氣之所含。天帝君所治處也。考東方朔之言及經五萬里之文。難言浮圖調康泰之是矣。六合之內。水澤之藏。大非為巨。小非為細。存非為有。隱非為無。其所苞者廣矣。於中同名異域。稱謂相亂。亦不為寡。至如東海方丈。亦有崑崙之稱。西洲銅柱。又有九府之治。東方朔十洲記曰。方丈在東海中央。東西南北岸相去正等。方丈面十洲記作方丈各五千里。上專是羣龍所聚。有金玉琉璃之宮。三天司命所治處。羣仙不欲升天者。皆往來也。下廣故曰崑崙山。有三角。其

一角正北。十辰星之輝。名曰閻風巔。其一角正西。名曰玄圃臺。其一角正東。名曰崑崙宮。其處有積金為天墉城。面方千里。城上安金臺五所。玉樓十二。其北戶出承淵山。又有墉城金臺玉樓相似如一。淵精之闕。十洲記作流精之闕光碧之堂。瓊華之室。紫翠丹房。錦雲燭日。舊本作景朱霞九光。西王母之所治。真官仙虛之所宗。十洲記作真官仙靈之所宗上通璿璣。元氣流布。五常玉衡。理九天而調陰陽。品物羣生。希奇特出。皆在於此。天人濟濟。不可具記。張華敘東方朔神異經曰。崑崙有銅柱焉。其高入天。所謂天

柱也圍二千里員周如削下有迴屋仙人九府治  
上有大鳥名曰希有南向張左翼覆東王公右翼  
覆西王母背上小處無羽一萬九千里西王母歲  
登翼上之東王公也故其柱銘曰崑崙銅柱其高  
入天員周如削膚體美焉其鳥銘曰有鳥希有綠  
赤煌煌不鳴不食東覆東王公西覆西王母王母  
欲東登之自通陰陽相須唯會益工遁甲開山圖  
曰五龍見教天皇被跡望在無外柱洲崑崙山上  
榮氏注云五龍治在五方為五行神五龍降天皇兄  
弟十二人分五方為十二部法五龍之跡行無為

山經地處古有柱  
崑崙山也崑崙何  
義曰一不不不  
說

此  
〇〇九

之化天下仙聖治在柱洲崑崙山上無外之山在  
崑崙東南一萬二千里五龍天皇皆出此中為十  
二時神也山經曰李克家云山崑崙之丘實惟帝  
之下都其神陸吾是司天之九部及帝之囿時然  
六合之內其苞遠矣幽致沖妙難本以情萬像遐  
淵渾思絕根坤云渾字疑贅謝兆尋自不疑作登  
兩龍於雲轍騁八駿於龜途等軒轅之訪百靈方  
大禹之集會計儒墨之說孰使辨哉

何云禹貢惟指長津  
又出海外南至積石山下有石門河水冒以西南流

山海經曰河水出渤海又海水西北入禹所道積

石山山在隴西郡河間縣孫汝澄曰河間當作河關按漢地理志云金城

郡有河關縣西南羌中余考羣書咸言河出崑崙重源

潛發淪于蒲昌出于海水故洛書曰河自崑崙出

于重野謂此矣逕積石而為中國河故成公子安

大河賦曰覽百川之弘壯莫尚美於黃河潛崑崙

之峻極出積石之嵯峨釋氏西域傳李克家云六曰傳當作記

河自蒲昌潛行地下南出積石而經文在此似如

不比積石宜在蒲昌海下矣

水經注箋卷第二

漢 桑欽撰 後魏酈道元 注

明 李長庚訂 孫汝澄

朱謀瑋箋 李克家全校

河水二

河水又南入葱嶺山

河水重源有三非為二也唯一源西出身毒之國葱

嶺之上西去休循二百餘里皆故塞種也南屬葱

嶺高千里西河舊事曰葱嶺在敦煌西八千里其

山高大上生葱故曰葱嶺也河源潛發其嶺分為

胡勝時禹貢錐指曰崑崙山作崑崙漢書指崑崙國治行設名東至都治所八百里至疎勒南與葱嶺屬無人民西至葱嶺則休循也西北至大宛千三百里北與烏孫接先儒以為

身非也張寯曰  
身是回在大  
南可數千里有物  
去蜀不遠大及以  
月氏所居之地  
甚在大川以東  
西去水約二百  
里其

二水一水西逕休循國南在葱嶺西郭義恭廣志  
曰休循國居葱嶺其山多大葱又逕難兜國北北  
接休循西南去蜀賓國三百四十里

河水又西逕蜀賓國北

月氏之破塞王南君蜀賓治循鮮城土地平和無  
所不有金銀珍寶異畜奇物踰于中夏大國也山  
嶽有大頭痛小頭痛之山赤土身熱之阪人畜同  
然

河水又西逕月氏國南

治監氏城其俗與安息同匈奴冒頓單于破月氏

殺其王以頭為飲器國遂分遠過大宛西居大夏  
為大月氏其餘小眾不能去者共保南山羌中號  
小月氏故有大月氏小月氏之名也前漢西域傳云以其頭為

飲器月氏乃遠去過大宛西擊大夏而臣之

又西逕安息南

城臨媽水地方數千里最大國也有商賈車船行

旁國畫革旁行為書記也前漢書云安息國臨媽水商賈車船行旁國書

車旁行為書記無也字○元本也字下有空須苦  
提置鉢在金枕上至俗與子合同四百三字乃錯  
簡在此是又西逕陀衛國注所謂或云  
縣鉢虛空置鉢金枕文義明甚今改正

河水與蜺羅歧禘水同注雷翁海

釋氏西域記曰覓羅跋祿出阿耨達山西之北逕于闐國漢書西域傳曰于闐以西水皆西流注于西海

又西逕四大塔北

釋法顯所謂筮刹尸羅國漢言截頭也佛為菩薩時以頭施人故因名國國東有投身餒餓虎處皆起塔

又西逕陀衛國北

是阿育王子法益所治邑佛為菩薩時亦於此國以眼施人其處亦起大塔又有佛樓沙國天帝釋

變為牧牛小兒聚土為佛塔法王因而成大塔所謂四大塔也法顯傳曰國有佛鉢月氏王大興兵眾來伐此國欲持鉢去置鉢象上象不能進更作四輪車載鉢八象共牽復不進王知鉢一本無鉢字緣未至於是起塔畱鉢供養鉢容二斗雜色而黑多四際分明厚可二分甚光澤貧人以少華投中便滿富人以多華供養正復百千萬斛終亦不滿佛圖曰佛鉢青玉也受三斗許彼國寶之供養時願終日香華不滿則如言願一把滿則亦便如言又按道人竺法維所說佛鉢在大月支國起浮圖高

三十丈七層鉢處第二層金絡絡鑲縣鉢鉢是青

石或云懸鉢虛元本注虛字止今以前又西遼安

息注中空須菩提至子合同頂接此空須菩提置鉢在金杪上佛一足跡與鉢共在

一處國王臣民悉持梵香七寶璧玉供養塔跡佛

牙架娑頂相舍利悉在佛樓沙國釋氏西域記曰

捷陀越王城西北有鉢吐羅越城佛架娑王城也

東有寺重復尋川水西北十里有河步羅龍淵佛

到游上浣衣處浣石尚存其水至安息注雷荔海又

曰捷陀越西西海中有安息國竺枝扶南記曰安

息國去私訶條國二萬里國上臨海上即漢書天

竺安息國也戶近百萬最大國也漢書西域傳又

云犁鞞條支臨西海長老傳聞條支有弱水西王

母亦未嘗見自條支乘水西行可百餘日近日所

入也古本作西行可月餘日或河水所通西海矣

故涼上異物志曰葱嶺之水分流東西西入大海

東為河源禹記所云崑崙者焉張騫使大宛而窺

河源謂極於此而不達於崑崙者也河水自葱嶺

分源東逕伽舍羅國釋氏西域記曰有國名伽舍

羅逝此國狹小而總萬國之要道無不由城南有

水東北流出羅逝西山山即葱嶺也逕岐沙谷出

河東門山公本此  
按此處在  
西域記  
卷之六  
上



谷分爲二水一水東流逕無雷國北治盧城俗與

其西夜當作其俗子合同又東流逕依耐國北去

無雷五百四十里俗同子合又東流逕蒲犁國北

治蒲犁谷北去疏勒五百五十里俗與子合同按

前漢書云蒲犁及依耐無雷國皆西夜類也後漢書西域傳云西夜國去洛陽萬四千里子合

國居呼提谷去疏勒千里前漢書傳云西夜與子合同地出玉石蒲犁國王治蒲犁谷

河水又東逕皮山國北

治皮山城西北去莎車二百八十里按宋本下文其一源接此

八十里下

其一源出于闐國南山北流與葱嶺河合東注焉

遼河水又東與于闐河合謝北申云疑其一源以下至與于闐河合三十字是

注按玉海河水經其一源以下至蒲昌海皆經交河水又東與于闐河合是注文

南源導于闐南山俗謂之仇摩置自置北流逕于

闐國西治西城西城舊本土多玉石西去皮山三

百八十里東去陽關五千餘里釋法顯自烏帝西

南行自烏帝西南行按佛國路中無人民沙行艱

難沙行一本所逕之苦人理莫比在道一月五日

得達于闐其國殷庶民篤信多大乘學威儀齊整

器鉢無聲南城一十五里有利利寺中有石鞞石

上有足跡彼俗言是辟支佛跡法顯所不傳疑非

遼水又河水又東于沙澤注云即經所謂蒲昌海也

統華浦一漢書西域傳作西域

何故

佛跡也

又西北流注于河

即經所謂北注葱嶺河也

南河又東逕于闐北

釋氏西域記曰河水東流三千里至于闐屈東北流者也漢書西域傳曰于闐巴東水皆東流

南河又東北逕扞彌國北

治扞彌城西去于闐三百九十里南河又東逕精

絕國北西去扞彌四百六十里按前漢西域傳曰

烏

南河又東逕且末國北

又東右會阿耨達大水釋氏西域記曰阿耨達山

西北有大水北流注牢蘭海者也其水北流逕且

末南山又北逕且末城西國治且末城西通精絕

二千里東去鄯善七百二十里種五穀兵俗略與

漢同又曰且末河東北流逕且末北又流而左會

南河會流東逝通為注濱河注濱河又東逕鄯善

國北治伊循城故樓蘭之地也樓蘭王不恭於漢

元鳳四年霍光遣平樂監傅介子刺殺之更立後

王漢又立其前王質子尉屠耆為王更名其國為

兵

入

南

水經注卷之

五

鄯善百官祖道橫門據漢西域傳此王自請天子

脫字一身在漢久恐為前王子所害國有伊循城土

地肥美願遣將屯田積粟令得依脫字重遂置田

以鎮撫之敦煌索勒字彥義有才略刺史毛奕表

行貳師將軍脫字酒泉敦煌兵千人至樓蘭屯田

起白屋召鄯善焉耆龜茲三國兵各千橫斷注濱

河河斷之日水奮勢激波凌冒隄勒厲聲曰王遵

建節河隄不溢王霸精誠呼沱不流水德明明上

神字當補之耿恭曰漢德古今一也勒躬禱祀水

神明豈有竊哉勒語本此未減乃列陣被杖鼓譟謹叫且刺且射大戰三

日水乃迴減灌浸沃衍胡人稱神大田二年積粟

百萬威服外國其水東注澤澤在樓蘭國北打泥

城其俗謂之東故城去陽關千六百里西北去烏

壘千七百八十五里至墨山國千五百六十五里

西北去車師千八百九十里土地沙鹵少田仰穀

傍國國出玉多葭葦檉柳胡桐白草國在東垂當

白龍堆乏水草常主發導負水擔糧迎送漢使故

彼俗謂是海為牢蘭海也釋氏西域記曰南河自

于闐東於北三千里至鄯善入牢蘭海者也北河

自岐沙東分南河即釋氏西域記所謂二支北流

孫潛夫衍於東二  
非是蓋於東二  
字當例互耳

禪字同通川  
何者曰春引  
思此不必改

逕屈茨烏夷禪李克家云善人牢蘭海者也

北河又東北流分爲二水枝流出焉北河自疎勒逕

流南河之北

漢書釋氏西域傳曰孫汝澄曰今考漢書西域傳無此文當作釋氏西域記

葱嶺以東南北有山相距千餘里東西六千里河

出其中暨于温宿之南左合枝水上承北河于疎

勒之東西北流逕疎勒國南又東北與疎勒北山

水合水出北谿東南流逕疎勒城下南去莎車五

百六十里有市列西宋本無當大月氏大宛康居

道釋氏西域記曰國有佛浴牀赤真檀木作之方

四尺王於宮中供養漢永平十八年耿恭以戊巳

校尉爲匈奴左鹿蠡王所逼恭以此城側澗傍水

後漢書作澗自金蒲遷居此城匈奴又來攻之壅

絕澗水恭於城中穿井深一十五丈不得水吏士

渴乏竿馬糞汁飲之恭乃仰天歎曰昔貳師拔佩

刀刺山飛泉湧出今漢德神明豈有窮哉整衣服

向井再拜爲吏士禱之有頃水泉奔出衆稱萬歲

乃揚水以示之虜以爲神遂卽引去後車師叛與

匈奴攻恭食盡窮困乃煮鎧弩食其筋革恭與士

卒同生死咸無二心圍恭不能下關寵上書求救

按建初元年明帝納司徒鮑昱之言遣兵救之至柳  
中中以校尉關寵分兵入高昌壁攻交河城車師降  
遣恭軍吏范羌將兵二千人迎恭遇大雪丈餘僅  
能至城中夜聞兵馬大恐羌逕呼後漢書曰我范  
羌也城中皆稱萬歲開門相持涕泣尚有二十六  
人衣屨穿決形容枯槁相依而還

建初元年明帝納司徒鮑昱之言遣兵救之至柳  
中中以校尉關寵分兵入高昌壁攻交河城車師降  
遣恭軍吏范羌將兵二千人迎恭遇大雪丈餘僅  
能至城中夜聞兵馬大恐羌逕呼後漢書曰我范  
羌也城中皆稱萬歲開門相持涕泣尚有二十六  
人衣屨穿決形容枯槁相依而還

比河又東逕莎車國南

治莎車城西南去蒲犁七百四十里漢武帝開西

域脫字田於此有鐵山出青玉

比河之東南逕溫宿國

治溫宿城土地

與鄯善同北至烏孫赤谷六

百一十里東通姑墨二百七十里於此枝河右入

比河

比河又東逕姑墨國南

入姑墨川水注之導姑墨西北赤沙山東南流逕

姑墨國西治南至于闐馬行十五日土出銅鐵及

雌黃其水又東南流右注北波河又東逕龜茲國

南又東左合龜茲川水有二源西源出北天山南

釋氏西域記曰屈茨北二百里有山夜則火光晝

日但燿人取此山石炭冶此山鐵恒充三十六國

經文句... 于闐馬行十五日... 城二例... 見

此山在西北

用故郭義恭廣志龜茲能鑄冶其水南流逕赤沙山釋氏西域記曰國北四十里山上有寺名雀離大清淨又出山東南流枝水左派焉又東南水流三分右二水俱東南流注此河又東川水龜茲東北雄赤沙積梨南流枝水右出西南入龜茲城音屈茨也漢書有龜茲而西域記有屈次鄺若合而詰之謂龜茲即屈茨也故延城矣西去姑墨六百七十里川水又東南流逕于輪臺之東也昔漢武帝初通西域置校尉屯田于此搜粟都尉桑弘羊奏言故輪臺以東地廣饒水草可溉田五千頃以上其處溫和田美可益通漕渠

於人

五穀收穫與中國同時匈奴弱不敢近西域於是徙莎車相去千餘里即是臺也其水又東南流右會西川枝水水有二源俱受西川東流逕龜茲城南合為一水水間有故城蓋屯校所守也其水東南注東川東川水又東南逕烏壘國南治烏壘城西去龜茲三百五十里東去玉門陽關二千七百三十八里與渠犂田官相近土地肥饒於西域為中故都護治焉漢使持節鄭吉并護北道故號都護都護之起自吉置也其水又東南注大河大河又東右會敦薨之水其水出焉者之比敦薨之山

西域記

卷三

萬壽

在匈奴之西烏孫之東山海經曰敦薨之水出焉  
 而西流注于泐澤出於崑崙之東北隅實惟河源  
 者也二源俱道西源東流分為二水西南流出於  
 焉耆之西經流焉耆之野屈南疑作東南流注於  
 敦薨之渚右水東南流又分為二左南焉耆之國  
 城居四水之中在河水之洲治員渠城西去烏壘  
 四百里南會兩水同注敦薨之浦東源東南流分  
 為二水但澗瀾雙引洪湍濬發俱東南流逕出焉  
 耆之東導于危須城國西國治危須城西去焉耆百  
 里又東南流注于敦薨之藪川流所積澤水斯

流之...

溢流為海本海為海吳瑄本改作溢流  
史記曰焉耆近海多魚鳥東北隔大山與車師接敦

薨之水自西海逕尉犁國國治尉犁城西去都護  
 治所三百里北去焉耆百里其水又西出沙山鐵  
 關谷又西南流連城別注裂以為田桑弘羊曰臣  
 愚以為連城以西可遣屯田以威西國即此處也

前漢西域傳云輪臺渠皆有其水又屈而南逕  
田卒數百人置使者校尉領護

渠犁國西故史記曰西有大河即斯水也又東南  
 流逕渠犁國治渠犁城西北去烏壘三百三十里  
 漢武帝通西域屯渠犁即此處也南與精絕接東

北與尉犁接又南流注于河山海經曰敦薨之水  
 西流注于泐澤蓋亂河流自西南注也河水又東  
 逕墨山國南治墨山城西至尉犁二百四十里  
 河水又東逕注賓城南又東逕樓蘭城南而東注  
 蓋發田士所屯故城禪國名耳

河水又東注于泐澤

即經所謂蒲昌海也水積鄯善之東北龍城之西

南龍城故姜賴之靈靈當胡之大國也蒲海溢盪

覆其國城基尚存而至无晨發西門暮達東門澮

其崖岸餘溜風吹稍成龍形皆西面向海因名龍

以名居之  
 視之信然  
 澮其

字義在力回

城地廣千里皆為鹽而剛堅也此注謬錯難以意通據御覽所引涼

州志云姜賴之靈今稱龍城恒溪無道以感

天定也行人所逕畜產皆布氈臥之掘發

其下有大鹽方如巨桃謝兆申云宋本以次相累

類霧氣雲浮寡見星日少禽多鬼怪西接鄯善東

連三沙為海之北隘矣故蒲昌亦有鹽澤之稱也

山海經曰不周之山北望諸毗之山臨彼岳崇之

山東望泐澤河水之所潛也其源渾渾泡泡者也

東至玉門陽關一千三百里廣袤三百里其水澄

渟冬夏不減其中洄湍電轉御覽引此作為隱淪

水經注卷二



十〇〇

之脈當濃其是之上飛禽奮翮於霄中者無不墜於

淵波矣即山水之所潛而出於積石也

又東入塞過何云惟指安河張煌酒泉張掖郡南

河自蒲昌口隱淪之證竝間關入塞之始自此經

當求實致也河水重源又發于西塞之外出於積

石之山右海經曰積石之山其下有石門河水冒

以西南流曲山海經云河水出以西南流注

水行塞外東入塞內河山也萬物無不有焉禹貢所謂導河

積石也乾在西羌之中燒當所居也延熹二年

羌燒當其塞護羌校尉段熲討之追出塞至積

孫潛大改左

石山斬首取還司馬彪曰西羌者自析支以西濱

於河首在居也河水屈而東北流逕於析支之

地是為河矣應劭曰禹貢析支屬雍州在河關

之西東去關千餘里羌人所居謂之河曲羌也

東北逕歷張煌酒泉張掖南應劭地理風俗記曰

敦煌酒泉六水甘若酒味故也張掖言張國臂掖

以威羌狄既文曰郡制天子地方千里分為百縣

縣有四郡以春秋傳曰上大夫縣下大夫郡至秦

始置三十八郡以監縣矣從邑君聲釋名曰郡羣

也人所羣來也黃義仲十三州記曰郡之言君也

改公侯之封而言君者至尊也。郡守專權君臣之禮彌崇。今郡字君在其左，邑在其右，君為元首，邑以載民，故取名於君，謂之郡。漢官曰：秦用李斯議分天下為三十六郡，凡郡或以列國，陳魯齊吳是也；或以舊邑，長沙丹陽是也；或以山陵，太山山陽是也；或以川原，西河河東是也；或以所出，金城城下得金，酒泉泉味如酒，豫章樟樹生庭，鴈門鴈之所育是也；或以號令，禹合諸侯大計東治之山，會計國名，會稽是也。河逕其南而纏絡遠矣。

河水又自東河曲逕西海郡南

按子天高作後漢  
依非此郡  
解此河漢後依  
若法不後漢  
行一初  
官  
姓州里  
之飲實

漢平帝時王莽秉政，欲耀威德，以服遠方，諷羌獻西海之地，置西海郡，而築五縣焉。周海亭燧相望，莽篡政紛亂，郡亦棄廢。

河水又東逕允川而歷大榆小榆谷北

羌迷唐鍾存所居也。永元五年，貫友代聶尚為護羌校尉，攻迷唐，斬獲八百餘級，收其熟麥數萬斛。於逢留河上築城，以盛麥，其作大船於河峽作橋，渡兵迷唐，遂遠依河曲。永元八年，迷唐復與鍾存東寇，而還十年，謁者王信耿譚西擊迷唐，降之，詔

聽後漢書云詔聽將其種人還大小榆谷還大小榆谷，迷唐種人以

何云其字疑  
全核作且

漢造河橋兵來無時故地不可居復叛居河曲與  
 羌為讎種人與官兵擊之允川去迷唐數十里營  
 止遣輕兵挑戰因引還迷唐追之至營因戰迷唐  
 敗走於是西海及大小榆無復聚落隃糜相曹鳳  
 上言建武以來西戎數犯法常從燒當種起所以  
 然者以其居大小榆谷土地肥美又近塞內與諸  
 種相傍南得鍾存以廣其眾北阻大河因以為固  
 又有西海魚鹽之利緣山濱水以廣田畜故能彊  
 大常雄諸種今黨援壞沮親屬離叛其餘勝兵不  
 過數百宜及此時建復西海郡縣規固二榆廣設

屯田隔塞羌胡交

殖穀富邊省輸轉之役

上拜鳳為金城西部

遂開田二十七部後漢書作

開屯田二十七部列屯夾河夾河

威相首尾後羌反遂罷

按段國沙州設吐谷渾河上作橋謂之河厲長

一百五十步兩岸累石作基陞節節相次大木從

橫更鎮壓兩邊俱來相去三丈竝大林以板橫次

之施鉤欄甚嚴飾橋在清水川東也

又東過隴西河關縣北洮水從東南來流注之

河水又逕沙州北段國曰澆河段國沙州記云洮水與墊江水俱出

強臺山而此注說澆水西南一百七十里有黃沙

禹貢維指注經作北改正

何音一  
或此乾為干

沙南北一百二十里東西七十里西極大楊川望  
黃沙猶若人委下格於地御覽引段國沙州記都  
不生草木蕩然黃沙周迴數百里沙州於是取號  
焉地理志曰漢宣帝神爵二年置河關縣蓋取河  
之關塞也風俗也曰百里口同總名為縣縣玄也  
首也從系側首以縣易偏矣言當玄靜徭役也御覽  
引作玄音名又曰縣也縣於郡矣黃義  
仲十三州記曰縣玄也弦以貞直言下體之居鄰  
氏之位不輕其地繩川法不曲如弦弦聲近縣  
故以取名也縣字在十也漢帝元年令天下縣邑

按手文當作  
又東

城按漢書張晏曰令各自築其城也

河水又東北流入西平郡界左合二川南流入河又

東北濟川水注之後注西

水西南出溫潰東北流入大谷謂之大谷水北逕

澆河城西南北流注于河

河水東又逕澆河故城北

有二城東西角倚東北去西平二百二十里宋少

帝景平中并吐谷渾阿豺為安西將軍澆河公即

此城也魏書吐谷渾阿豺表獻方物詔嘉其

河水又東北逕黃川城河水又東逕石城南左合北

谷水

昔段熲擊羌於石城投河墜坑而死者八百餘人  
即於此也

河水又東北逕黃河城南

西北去西平二百一十七里

河水又東北逕廣遠城北又合烏頭川水

水發遠川引納支津北逕城東而北流注于河

河水又東逕邯川城南

城之左右歷谷有二水導自北山南逕邯亭注于

河

河水又東臨津谿水注之

水自南山北逕臨津城西而北流注于河

河水又東逕臨津城北白土城南

十三州志曰左南津西六十里白土城城在大河

之北而為緣河濟渡之處北魏涼州刺史郭淮破

羌遮塞於白土魏志作遮塞即此處矣

河水又東左會白土川水

水出白土城西北下東南流逕白土城北又東南

注于河

河水又東北會兩川右合二水

孫侍之南有  
何云北字衍雜  
要其同  
何云北字衍雜  
雍州非涼州也

右合二水四字是  
注文連下字差  
二字為句

參差夾岸連壤

舊本作連壤

負嶮相望河北有層山

甚靈秀山峯之上立石數百丈亭亭桀竪競勢爭

高遠望參參若攢圖之託霄上其下層巖峭舉壁

岸無階懸巖之中多石室焉室中若有積卷矣而

世士罕有津逮者因謂之積書巖巖堂之內每時

見神人往還矣蓋鴻衣羽裳之士練精餌食之夫

取俗人不悟其仙者乃謂之神鬼彼羌目鬼曰唐

述復因名為之唐述山指其堂密之居謂之唐述

窟其懷道宗玄之士皮冠淨髮之徒亦往棲託焉

故秦州記曰河峽崖傍有二窟一曰唐述窟高四

津逮者不復  
家沙上世出焉  
故唐述者

六  
為

十丈西二里有時亮窟高百丈廣二十丈深三十

丈藏古書五字

五字當

亮南安人也

下封

下封當

有水導自是山谿水南注河謂之唐述水

河水又東得野亭南

又東北流歷研川謂之研川水又東北注于河謂

之野城

河水又東歷鳳林北

鳳林山名也五巒俱峙者諺云昔有鳳鳥飛遊五

峯故山有斯目矣秦州記曰枹罕原北名鳳林川

川中則黃河東流也

河水又東與灘水合漢書地理志曰其水出西塞外東

水導源塞外羌中故地理志曰其水出西塞外東

北流歷野虜中逕消銅城西又東逕河列城東考

地說無目蓋出自戎方矣左右列水水出西北谿

東北流逕列城北又入灘水城居二水之會也灘

水又北逕可石孤城西西戎之名也又東北右疑

右合黑城谿水水出西北谿下東南流逕黑城南

又東南枝水左出焉又東南入灘水又東北逕榆

城東榆城谿水注之水出素和細越西北山下東

南流逕于細越川夷俗鄉名也又東南出狄周峽

東南右合黑城谿之枝津津水上承谿水東北逕

黑城東東北注之榆谿又東南逕榆城南東北注

灘水灘水又東北逕石門口山高嶮絕御覽引此作高嶮峻

絕對岸若門故峽得厥名矣疑即阜蘭山門也漢

武帝元狩三年驃騎霍去病出隴西至阜蘭應謂

是山之關塞也漢書音義曰阜蘭應在隴西白石

縣塞外河名也孟康曰山關名也今是山去河不

遠故論者疑目河山之間矣灘水又東北阜蘭山

水自山左右翼注灘水灘水又東白石川水注之

水出縣西北下東南流枝津東注焉白石川水又

按漢書地理志云其水出西塞外東  
應劭曰漢書地理志云其水出西塞外東  
音義二十四卷云其水出西塞外東  
康有漢書地理志云其水出西塞外東  
九卷注引云其水出西塞外東  
之言即去條解  
云其水出西塞外東  
孟說無目蓋出自戎方矣  
姓名以者之後  
來傳寫者脫誤  
持而阜蘭下各  
增應字行同缺

伏龍筆補錄鈔  
肯之職不之也  
今漢書武紀注  
大具在可考而知  
人謂是山之開也  
也一治是通之也  
解說如此當在  
山而應以之  
高以名山則名  
亦未詳其故  
又云論者曰  
山之間名曰  
而一非河也

一正按  
一正按

南逕白石城西而注瀼水水又東逕白石縣故城  
南王莽更曰順礫闕駟曰白石縣在狄道西北二  
百八十五里瀼水逕其北今瀼水逕東南注之而  
不出其北也瀼水又東逕白石山北應劭曰白石  
山在東瀼谿注之水出西南山下東入瀼水水又  
東左合罕开南谿水出罕开西東南流逕罕开南  
十三州志曰廣大坂在枹罕西北罕开在焉昔慕  
容吐谷渾自燕歷陰山西馳而創居於此瀼水又  
東逕枹罕縣故城南應劭曰故罕羌侯邑也十三  
州志曰枹罕縣在郡西二百一十里瀼水在城南

一清按此  
句有脫

門前東過也瀼水又東北故城川水注之水有二  
源南源出西南山下東北流逕金緄北嶺北又東  
北逕一故城南又東北與北水會北源自西南逕  
故城北右入南水亂流東北注瀼水瀼水又東北  
左合白石川之枝津水上承白石川東逕白石城  
北又東絕罕开谿又東逕枹罕城南又東入瀼水  
瀼水又東北出峽北流注于河地理志曰瀼水出  
白石縣西塞外東至枹罕入河

河水又逕左南城南

十三州志曰石城西一百四十里有左南城南者也

按上文當作白



伏匪筆補錄  
肯之職不之也  
今漢書武  
文具在可考而知  
人謂是山之開也  
也治是山之開  
解說如此  
山名而應以  
高以爲山  
志未詳  
又云論  
山之間  
而非河

二  
一

南逕白石城西而注灘水水又東逕白石縣故城南王莽更曰順礫闕駟曰白石縣在狄道西北二百八十五里灘水逕其北今灘水逕東南注之而不出其北也灘水又東逕白石山北應劭曰白石山在東嶽谿注之水出西南山下東入灘水水又東左合罕开南谿水出罕开西東南流逕罕开南十三州志曰廣大坂在枹罕西北罕开在焉昔慕容吐谷渾自燕歷陰山西馳而創居於此灘水又東逕枹罕縣故城南應劭曰故罕羌侯邑也十三州志曰枹罕縣在郡西二百一十里灘水在城南

清按此  
引有脫

門前東過也灘水又東北故城川水注之水有二源南源出西南山下東北流逕金北嶺北又東北逕一故城南又東北與北水會北源自西南逕故城北右入南水亂流東北注灘水灘水又東北左合白石川之枝津水上承白石川東逕白石城北又東絕罕开谿又東逕枹罕城南又東入灘水灘水又東北出峽北流注于河地理志曰灘水出白石縣西塞外東至枹罕入河

河水又逕左南城南

十三州志曰石城西一百四十里有左南城者也

按上文當作白

石城

津亦取名焉

大河又東逕赤岸北

即河夾岸也秦州記曰施罕有河夾岸岸廣四十

丈義熙中乞佛於此河上作飛橋橋高五十丈三

年乃就按天竺國在西北川有東西

河水又東洮水注之

地理志曰水出塞外羌中沙州記曰洮水與墊江

水俱出強臺山山南即墊江源山東則洮水源山

海經曰白水出崑郭景純注云從臨洮之西傾山

東南流入漢而至墊江故段園以為墊江水也洮

水同出一山故知強臺西傾之異名也洮水東北

流吐谷渾中吐谷渾者始是東燕慕容之枝庶因

氏其字以為首類之種號也故謂之野虜自洮強

南北三百里中地草徧是龍鬚而無樵柴洮水又

東北流逕陽會城北沙州記曰強城東北三百里

有會城城臨洮水者也建初二年羌攻南部都尉

於臨洮上遣行車騎將軍馬防與長水校尉耿恭

救之諸羌退聚洮陽即此城也洮水又東逕共和

山南城在四山中洮水又東逕迷和城北羌名也

又東逕甘枳亭歷望曲在疑作西南去龍桑二百

望曲名見後漢書馬防傳

水子野注

卷二

三

春

鄜州注云... 洪州注云... 三百里... 云... 朱... 右...

里洮水又東逕臨洮縣故城北禹治洪水西至洮水之上見長人受黑玉書於斯水上洮水又東北流屈而逕索西城西建初二年馬防耿恭從五谿祥檻谷作檻檻出索西與羌戰破之築索西城徙隴西南部都尉居之赤水城亦曰臨洮東城也沙州記曰從東洮至西洮一百二十里者也洮水又屈而北逕龍桑城西而西北流馬防以建初二年從安故五谿出龍桑開通舊路者也俗名龍城洮水又西北逕步和亭東步和川水注之水出西山下東北流出山逕李克家云逕一步字和亭北東北注洮

依音... 全... 一清... 有... 一... 瓜...

水洮水又北出門峽歷東歷川葦川水注之  
水出桑嵐西谿東流歷桑嵐川又東逕葦川北東入洮水洮水又北歷峽逕偏橋出夷始梁右合葦壇川水東南石底嶺下宋本作右北歷葦壇川西北注洮水洮水又東北逕桑城東又北會藍川水水源出來歷川西北谿南流歷川東北流逕藍川歷水城城北東入洮水洮水又北逕外羌城西又北逕和博城東城在山內左合和博川川水出城西南山下東北逕和博城南東北注于洮水洮水北逕安故縣故城西地理志曰隴西之屬縣也十

按此當作反

底城字同

三州志曰縣在郡南四十七里蓋延轉擊狄道安  
 故五谿及羌大破之即此也洮水又北逕降狄道  
 故城西關駟曰今日武始也洮水在城西東北下  
 又北壘壘音力水注之即山海經所謂濫水也  
 水出烏鼠山西北高城嶺西逕底本北中云據宋  
 其山岸崩落者聲聞數百里故楊雄稱響若坻頽  
 是也又西北歷白石山下地理志曰降狄道東有  
 白石山濫水又西北逕武階城南又西北逕降狄  
 道故城東百官表曰縣有蠻夷謂之道有公主謂  
 之邑應劭曰反古左祗不與華同須有譯言乃通

九經注卷二 四百四

也漢隴西郡治秦昭王二十八年置應劭曰有隴  
 坻在其東故曰隴西也神仙傳曰封君達隴西八  
 服鍊水銀年百歲視之如年三十許騎青牛故號  
 青牛道士王莽更郡縣之名郡曰厭戎縣曰操虜  
 也昔馬援為隴西太守六年為狄道開渠引水種  
 秔稻而郡中樂業即此水也濫水又西北流逕注  
 于洮水洮水右合二水右會大夏川水水出西山  
 二源合舍而亂流逕金柳城南十三州志曰大夏  
 縣西有故金柳城去縣四十里本都尉治又東北  
 逕大夏縣故城南地理志曰王莽之順夏晉書地

大夏縣故城南地理志曰王莽之順夏晉書地

右美增不作左  
金柳即金銀也  
物但音同

道記曰縣有禹廟禹所出也又東北出山注于洮水洮水又北翼帶三水亂流北入河地理志曰洮水北至枹罕東入河是也

又東過金城允吾縣北

金城郡治也漢昭帝始元六年置王莽之西海也莽又更允吾為修遠縣河水逕其南不在其北南有湟水出塞外東逕西王母石室石釜西海鹽池比故闕駟曰其西即湟水之源也地理志曰湟水所出也湟水又東南流逕龍夷城故西零之地也

三州志曰城在臨羌新縣西三百一十里王莽

納西零之獻以為西海也此城湟水又東南逕

卑禾羌海北有鹽池閼風曰縣西有卑禾羌海者

也世謂之青海東去西平二百五十里湟水東流

逕湟中城北故小月氏之地也十三州志曰西平

張掖之間大月氏之別小月氏之國范曄後漢書

曰湟中月氏胡者其下為匈奴所殺餘種分散西

踰葱嶺其弱者南入山從羌居止故受小月氏之

名也後漢西羌傳曰羌無弋爰劍者秦厲公時以

奴隸亡入三河羌為神推以為豪按後漢書云羌無弋爰劍秦厲

公時拘為奴隸後亡歸秦人追之藏於巖穴得免諸羌怪其神共畏事之推以為豪

河湟之

間多禽獸以射獵為事遂見敬信依者甚眾其會  
孫忍因留湟中為湟中羌也湟水又東右控四水  
道源四谿東北流注于湟湟水又東逕赤城北而  
東入經戍峽口右合羌水水出西南山下逕護羌城  
東故護羌校尉治又東北逕臨羌城西東北流于  
湟湟水又東逕臨羌縣故城北漢武帝元狩元年  
以封孫都為侯國王莽之監羌也謂之綏戎城非  
也湟水又東盧谿水注之水出西南盧川東北流  
注于湟水湟水又東逕臨羌新縣故城南關駟曰  
臨羌新縣在郡西百八十里湟水逕城南也城有

東西門西北隅有子城注水又東右合溜谿伏流  
石杜蠡四川東北流注之左會臨羌谿水水發新  
縣西北東南流歷縣北東南入湟水湟水又東龍  
駒川水注之水右出西南山下東北流逕龍駒城  
北流注于湟水湟水又東長寧川水注之水出松  
山東南流逕晉昌城晉昌川水注之長寧水又東  
南養女川水注之水發養女北山有二源皆長湍  
遠發南總一川逕養女山謂之養女川關駟曰長  
寧亭北有養女嶺即浩疊之西平之北山也亂流  
出峽南逕長寧亭東城有東西門東北隅有金城

去

西平西北四十里十三州志曰六十里遠矣長寧  
 水又東南與一水合水出西山東南流水出南山  
 上有風伯祠春秋祭之其水東南逕長寧亭南東  
 入長寧水長寧水又東南流注于湟水湟水又東  
 牛心川水注之水出其南遠山東北流逕牛心  
 東古本作牛心惟按御覽引湟水注云牛心堆乃湟水源山名也吳本改作牛心川非矣又  
 北逕西平亭西東北入湟水湟水又逕西平城北  
 東城即故亭也漢景帝六年封隴西太守北地公  
 孫潭邪為侯國魏黃初中立西平郡憑倚故亭增  
 築南西北三城以為郡治湟水又東逕土樓南樓

北倚山原峯高三百尺有音作若削成樓下有  
 祠彫墻故壁存焉闕駟曰西平亭北有土樓神祠  
 者也今在亭東北五里右則五泉注之泉發西平  
 亭北鴈次相綴東北流至土樓南北入湟水湟水  
 又東右合葱谷水水有四源各出一谿亂流注于  
 湟水又東逕東亭北東出漆峽山峽也東流右則  
 漆谷常谿注之左則甘夷川水入焉湟水又東安  
 夷川水注之水發遠山西北逕控衆川北屈逕安  
 夷城西北東入湟水湟水又東逕安夷縣故城城  
 有東西門去西平亭東七十里闕駟曰四十里湟

按...  
山...  
又...  
又...

水又東左合宜春水水出東北宜春谿西南流至  
于安夷南入湟水湟水又東勒且谿水注之水出  
縣東南勒且谿北流逕安夷城東而北入湟水湟  
水有勒且之名疑卽此號也後漢書耿恭傳恭討  
西羌未服者勒且燒  
何差等十三種數萬人皆請恭降注  
云姐音紫因知此勒且卽勒姐也闕駟曰金城  
河初與浩疊河合又與勒且河合者也湟水又東  
左合承流谷水南入右會達扶東西二谿水參差  
北注亂流東出六山名也東流期頓雞谷二水北  
流注之吐鄯又東孤長門兩川南流入湟水湟水  
又東逕樂都城南東流又合來谷乞斤流二水左

會陽非流谿細谷三水東逕破羌縣故城南應劭  
曰漢宣帝神爵二年置城省南門十三州志曰湟  
水河在南門前東過六谷水自南破羌川自北左  
右翼注湟水又東南逕小晉興城北故都尉治闕  
駟曰允吾縣西四十里有小晉興城也湟水又東  
與閣門河合卽浩疊河也出西北塞外東入塞逕  
敦煌酒泉張掖南東南逕西平之鮮谷塞尉故城  
南又東南與湛水合水有二源西水出白嶺下東  
源發于白岸谷合爲一川東南流至霧山注閣門  
河閣門河又東逕養女北山東南左合南流川水



出北山南流入于閭門河河又東逕浩亶縣故城南王莽改曰興武矣闕駟曰浩讀閭也故亦曰閭門水兩兼其稱矣孟康漢志注云浩亶音閭今俗呼此水為閭門水又東流注于涅水故地理志曰浩亶水東至允吾入涅水又東逕允吾縣北為鄭伯津與澗水合漢志作合水出縣北令居縣西北塞外南流逕其縣故城西漢武帝元鼎二年置王莽之罕虜也又南逕永登亭西歷黑石谷南流注鄭伯津涅水又東逕允街縣故城南漢宣帝神爵二年置王莽之脩遠亭也縣有龍泉出允街谷泉眼之中水文成蛟龍或

後書武帝紀云九  
狩四年秋生澤注  
水中作天馬之歌  
字誤當作武

試撓破之尋平成龍畜生將飲者皆畏避而走謂之龍泉下入涅水涅水又東逕枝陽縣逆水注之水出允吾縣之參街谷東南流逕街亭城南又東南逕陽非北亭又東南逕廣武城西故廣武都尉治郭淮破叛羌故無載于此處也據魏志故無載當作治無載乃羌人城之西南二十許里水西有馬蹄谷漢武帝聞大宛有天馬遣李廣利伐之始得此馬有角為奇故漢賦天馬之歌曰天馬來兮歷無草逕千里今巡東道漢禮樂志云天馬徠歷無草徑千里循東道胡馬感北風之思遂頓羈絕絆驤首而馳晨發京城食時脫時字至敦

澤老全臨郡臨主縣  
北則湟水所出至允  
吾入河而南頭依池  
浩高其流湟水出  
西寧外有石九石  
入湟今居時則水  
出西北外至石  
南入河也  
高厚水出方  
折以爲石

七  
古  
河  
對

煌北塞外長鳴而去因名其處曰候馬亭今晉昌  
郡南及廣武馬蹄谷盤石上馬跡若踐泥中有自  
然之形故其俗號曰天馬徑夷人在邊效刻是疑  
足有大小之迹體狀不同視之便別逆水又東逕  
枝陽縣故城南東南入于湟水地理志曰逆水允  
吾東至枝陽漢地志云逆水出允吾東至枝陽入湟河又東流  
注于金城河即積石之黃河也闕駟曰河至金城  
縣謂之金城河隨地爲名也釋氏西域記曰牢蘭  
海東伏流龍沙堆在屯皇東南四百里阿步于鮮  
卑山東流至金城爲大河出崑崙崑崙即阿耨達

山也

河水又東逕石城南

河水  
經文

按于文當作內之乃  
城

名勝志校增

謂之石城津闕駟曰在金城西北矣河水又東南  
逕金城縣故城北應劭曰初築城得金故曰金城  
也漢書集註薛瓚云金者取其堅固也故墨子有  
金城湯池之言矣王莽之金屏也世本曰鯨作城  
風俗通曰城盛也從土成聲管子曰內爲之城外  
之爲郭郭外之上開池高則溝之命之曰金城于  
三州志曰大河在金城北門東流有梁泉注之山  
縣之南山按耆舊言梁暉字始娥漢大將軍梁冀

後冀誅入羌後其祖父為羌所推為渠帥而居此  
城土荒民亂暉將移居枹罕出頓此山為羣羌圍  
迫無水暉以所執榆鞭豎地以青羊祈山神泉湧  
出榆木成林其水自縣北流注于河也  
又東過榆中縣北

昔蒙恬為秦北逐戎人開榆中之地按地理志曰  
金城郡之屬縣也故徐廣史記音義曰榆中在金  
城即阮嗣宗勸進文所謂榆中以南者也

又東過天水北界

苑川水出勇士縣之子城南山東北流歷此城川

世謂之子城川

廷牧師苑故漢牧苑之地也

羌豪迷吾

漢書

萬餘人

到襄武首陽平襄

勇士至抄

此苑焉

苑馬

焚燒亭驛即此處也又

曰苑川水地為龍馬之沃土故馬援請與田戶中

分以自給也有東西二苑城相去七里西城即乞

佛所都也又北入于河也

又北過武威媼圍縣東北

河水逕其界東北流縣西南有泉源東逕其縣南

又東北入河也

又東北過天水勇士縣北

按河水在此縣不  
應有自東而折向  
北之理或斜折東北  
則可矣又北

按子城川

十

十三

十六

又東北過

卷二

三

四

地理志曰蒲州也屬國都尉治

蒲州當作蒲州漢地志勇士縣注

云屬國都王莽更名之曰紀德水出縣山世謂之

尉治蒲州二十八渡水東北流谿澗縈曲途出其中逕二十

八渡行者勒於洲涉故因名焉北逕其縣而下注

河又有赤驥川水南出赤高谷北流逕赤驥川又

北逕牛官川又北逕義城西北北流歷三城川而

北流注于河也

又東北過安定北界麥田山河水東北流逕安定祖

厲縣故城西北

漢武帝元鼎五年中淮遂踰隴登空同西臨祖厲

河而還即於此也更名之曰鄉禮也李斐曰

祖厲縣本又東北祖厲川

水注之水出祖厲南山北流逕祖厲縣而西北流

注于河水

河水又東北逕麥田城西又北與麥田泉水合

水出城西北西南流注于河

河水又東北逕麥田山西謝兆申云宋鈔本

西下有谷川二字在安定西北六百四十里

河水又東北逕于黑城北又東北高平川水注之

即若水也水出高平大壟山若水谷建武八年世

若水首惟指作若水諸史方輿記

若水味苦故名

祖征隗囂漢從高平第一城若水谷入即是谷也

東北流逕高平縣故城東漢武帝元鼎三年安定

郡治也王莽更名其縣曰鋪睦西十里有獨阜阜

上有故臺臺側有風伯壇故世俗呼此阜為風堆

其水又北龍泉水注之水出縣東北七里龍泉東

北流注高平川川水更北出秦城謝兆申云宋本無又字而秦城

字作長城在縣北一十五里又西北流逕東西二

太疑婁故城門北合一水水有五源咸出隴山

西東水發源縣西南二十六里湫淵淵在四山中

湫水北流西北出長城北與次水會水出縣西

按今高平縣在古高平之北  
州前山北水出  
他山北水出  
要平山北水出  
石山北水出  
平將地皆在  
六年

鮮卑部帥沒奕  
于沒奕于他樓  
他樓即大連府  
北山北水出  
非也

按今高平縣在古高平之北  
州前山北水出  
他山北水出  
要平山北水出  
石山北水出  
平將地皆在  
六年

四十里長城西山中北流逕魏行宮故殿東又北

次水注之出縣西南四十里山中北流逕行宮故

殿西又北合次水水出縣西南四十八里東北流

又與次水合水出縣西南六十里陽山醜陽山謝兆申云宋本

陽山東北流左會右水總為一川東逕西婁北東

注若水段頰為護羌校尉於安定高平若水討先

零斬首八千級於是水之上若水又北與石門水

合水有五源東水導源高平縣西八十里西北流

次水注之水出縣西百二十里如州泉東北流右

入東水亂流左會三川參差相得東北同為一川

水經注卷之九 高平

湫淵之  
水出於  
石山

醜陽山  
謝兆申  
云宋本

混濤歷峽峽即隴山之北垂也謂之石門口水曰石門水在縣西北八十餘里石門之水又東北注高平川川水又北自延水注之西出自延谿東流歷峽謂之自延口在縣之西北一百里又東北逕延城南東入高平川川水又北逕廉城東按地理志曰比地有廉城縣闕駟言在富平比自昔匈奴侵漢新秦之士率為狄塲故城舊壁盡從故日地理淪移不可復識當是世人誤證也川水又北若水注之水發縣東北百里山流注高平高平又北逕三水縣西肥水注之水出高平縣西北二百里牽

春澤山... 作... 天... 即... 也... 亦... 謂... 後... 傳...

條山西東北流與若勃谿水合有二源總歸一瀆東北流入肥肥水又東北流違泉水注焉泉流所發導於若勃谿東東北流入肥肥水又東北出峽注于高平川水東有山山東有三水縣故城本屬國都尉治王莽之廣延亭也西南去安定郡三百四十里侍郎張奐為安定屬國都尉治此羌有獻金馬者奐召主簿張祁入于羌前以酒酹地曰使馬如羊不以入廐使金如粟不以入懷盡還不受威化大行縣東有溫泉溫泉東有鹽池故地理志曰縣有鹽官今於城之東北有故城城北有三泉

疑卽縣之鹽官也高平川水又北入于河宋本河

字

河水又東北逕昫卷縣故城西

地理志曰泗水別出為河東至富平北入河

水於此有上河之名也

趙本

泗水別出為河

泗水

水經注箋卷第二

水經注箋卷第三

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

河水三

河水又北過北地富平縣西

河側有兩山相對水出其間卽上河峽世謂之為

青山河水歷峽北注枝分東出

河水又北逕富平縣故城西

秦置北地都尉治縣城王莽名郡為威戎縣曰特

太平御覽卷一百一十三  
文後補二

六十七

水經注箋

卷三

穆文為鄭邦

武漢地志建武中曹鳳字仲理為北地太守政化

尤異黃龍應於九里谷高岡亭角長三尺大十圍

稍至十餘丈天子嘉之賜帛百匹加秩中二千石

河水又北薄骨律鎮城

城在河渚上赫連果城也桑果餘林仍列洲上但

語出戎方不究城名訪諸耆舊咸言故老宿彥言

赫連之世有駿馬死此取馬色以為邑號故曰城

為白口驪韻之謬韻字下當有轉字謂白驪轉讀作薄骨律耳遂仍今

稱所未詳也

河水又逕典農城東

世謂之胡城又北逕上河城東世謂之漢城薛瓌

曰上河在西河富平縣即此也馮參為上河典農

都尉所治也

河水又北逕典農城東

俗名之為呂城皆參所屯以事農宋本農下有一畝字

河水又東北逕廉縣故城東

王莽之西河亭地理志曰卑移山在西北

河水又與北枝津宋本津下有一合字

水受大河東北逕富平城所在分裂以溉田圃北

流入河今無水爾雅曰漚反入言河決復入者也

常是此字



河之有灘若漢之有潛也

河水又東北逕渾懷郭西

地理志曰渾懷都尉治塞外者也太和初三齊平

徙歷下民居此遂有歷地之名矣南去北城三百

里漢志渾懷都尉治在北平此北城誤當作北平

河水又東北歷石崖山西

去北城城亦當五百里山石之上自然有文畫若

戰馬之狀粲然成著當作馬似圖畫故亦謂之

畫石山也

北過朔方臨戎縣西

河水東北逕三封縣故城東漢武帝元狩三年置十三州志曰在臨戎縣西一百三十里

河水又北逕臨戎縣故城西

元朔五年立舊朔方郡治王莽之所謂推武也

河水又北有枝渠東出謂之銅口東逕沃野故城南

漢武帝元狩三年立王莽之綏武也枝渠東注以

溉田所謂智通在我矣

河水又北屈而為南河出焉河水又北迤西溢於窳

渾縣故城東

漢武帝元朔二年開朔方郡治以縣為有西部都尉治

朔方郡

有道自縣西北出雞鹿塞王莽更郡曰溝搜縣曰  
極武其水積而為屠申澤澤東西一百二十里故  
地理志曰屠申澤在縣東卽是澤也關駟謂之渾  
澤矣屈從縣北流

河水又屈而東流為北河東逕高闕南

史記趙武靈王既襲胡服自代並陰山下至高闕  
為塞山下有長城長城之際連山刺天其山中斷  
兩岸雙闕善能雲舉望若闕焉節狀表目大事記  
作農然雲舉望若故有高闕之名也自闕北出荒  
關焉卽狀表目中闕口有城跨山結局謂之高闕戍上古迄今大事

記引此作常置重捍以防塞道漢元朔四年衛青  
自古及今將十萬人敗右賢王於高闕卽此處也河水又東  
逕臨河縣故城北漢武帝元朔三年封代恭王子  
劉賢為侯國王莽之監河也漢武帝元朔二年大  
將軍衛青絕梓嶺梁北河是也至河目縣西前漢地志

云河目縣屬五原郡

河水自臨河縣東逕陽山南

漢書注曰陽山在河北指此山也東流逕石跡阜  
西是阜破石之文悉有鹿馬之跡故斯阜納稱焉  
南屈逕河目縣在北假地名也自高闕以東夾山

帶河陽山以去謝兆申云宋本作陽山以西皆北假也史記曰

秦使蒙恬將十萬人北擊胡度河取高闕據陽山

北假中是也北河又南合南河上承西河東逕臨

戎縣故城北又東逕臨河縣南又東逕廣牧縣故

城北有東部都尉治王莽之鹽官也逕流二百許

里東會于河

河水又南逕馬陰山西

漢書音義曰陽山在河北陰山在河南謂是山也

而即實不在河南史記音義曰五原安陽縣北有

馬陰山今山在縣北言陰山在河南又傳疑之非

也余按南河北河及安陽縣以南悉沙阜耳無山

異山故廣志曰朔方郡北移沙七所而無山以擬

之是議誌之僻也陰山在河東南則可矣

河水又東南逕朔方縣故城東北

詩所謂城彼朔方也漢元朔二年大將軍衛青取

河南地為朔方郡使校尉蘇建築朔方城即此城

也王莽以為武符者也按地理志云金連鹽澤青

鹽澤並在縣南矣前漢地志朔方縣有金連鹽澤皆在南又按魏

土地記曰縣有大鹽池其鹽大而青白名曰青鹽

又名戎鹽入藥分漢置典官鹽池去平地平地疑作平地

宮千二百里在新秦之中服處曰新秦地名在北  
方千里如淳曰長安以北朔方以南也薛瓚曰秦  
逐匈奴收河南地徙民以實之謂新秦也屈南過  
五原西安陽縣南

河水自朔方東轉逕渠搜縣故城北

地理志曰朔方有渠搜縣中部都尉治王莽之溝  
搜亭也禮三朝記曰北發渠搜南撫交阯此與北  
對南禹貢之所云析支渠搜矣河水又逕西安陽  
故城王莽更之曰灑安矣河水東逕田辟城南地  
理志曰故西部都尉治也屈東過九原縣南

河水又東逕成宜縣故城南

王莽更曰艾虜也

河水又東逕原亭城南

關駟十二州志曰中部都尉治

河水又東逕宜梁縣之故城南

關駟曰五原西南六十里今世謂之石崖城

河水又東逕稠陽城南

稠陽舊本作副陽

東部都尉治逕河陰縣故城北又東逕九原縣故

城南秦始皇置九原郡治此漢武帝元朔二年更

名五原也王莽之獲降郡成平縣矣西北接對一

漢書地理志  
卷之九十四  
上

城蓋五原縣之故城也王莽之填河亭也竹書紀

年云魏襄王十七年邯鄲命吏大夫奴遷于九原

又命將軍大夫適子伐吏皆貂服矣今竹書紀年作適子代史

皆貂服趙策武靈王曰吾國自常山以至代上黨東有燕東胡西有樓桓秦韓之邊而無騎射之備

故寡人變服其城南面長河北背連山秦始皇逐

匈奴並河以東屬之陶山築亭鄣為河上塞徐廣

史記音義曰陶山在五原北即此山也始皇二十

四年起自臨洮東暨遼海西並陰山築長城及南

越地書警夜作民勞怨苦故楊泉物理論曰秦始皇

皇使蒙恬築長城死者相屬民歌曰生男慎勿

生女哺用餽不見長城下尸骸相支柱其冤痛如

此矣蒙恬臨死曰夫起臨洮屬遼東城塹萬餘里

不能不絕地脉此固當死也

又東過臨沃縣南

王莽之振武也

河水又東枝津出焉河水又東流石門水南注之

水出石門山地理志曰北出石門鄣即此山也西

北趣光祿城其西呼韓邪單于還詔遣長樂

衛尉高昌侯董忠車騎都尉韓昌等將萬六千騎

送單于居幕南保光祿徐自為所築城也故城得

浮石故

二千

何者

其名矣城東北即懷朔鎮城也其水自鄯東南流  
逕臨沃城東東南注于河

河水又東逕稠陽縣故城南

王莽之固陰也地理志曰自縣北出石門鄯前漢

云和陽縣北出石門鄯得光祿城河水決其西南隅又東南枝津

注焉水上承大河於臨沃縣東流七十里北溉田

南北二十里注于河

河水又東逕塞泉城南而東注又東過雲中楨陵縣

南又東過沙南縣北從縣東屈南過沙陵縣西

大河東逕咸陽縣故城南王莽之賁武也

河水屈而流白渠水注之

水出塞外西逕定襄武進縣故城北西部都尉治

王莽更名伐蠻世祖建武中封趙慮為侯國也白

渠水西北逕成樂北郡國志曰成樂故屬定襄也

魏土地記曰雲中城東八十里有成樂城今雲中

郡治一名石盧城也白渠水又西逕魏雲中宮南

魏土地記曰雲中宮在雲中故城東四十里白渠

水又西南逕雲中故城南故趙地虞氏記云趙侯

自五原河曲築長城東至陰山又於河西造大城

一箱崩不就乃改卜陰山河曲而禱焉晝見羣鵠

按了人誤記  
何故也

遊於雲中徘徊經日見大一作火光在其下武侯曰  
 此為我乎乃即於其處築城今雲中城是也秦始皇  
 皇十三年立雲中郡縣曰遠服矣白渠水又西北  
 逕沙陵縣故城南王莽之希恩縣也其水西注沙  
 陵湖又有苦于水出塞外南逕鍾山山即陰山故  
 郎中侯應言於漢曰陰山東西十餘里單于之苑  
 圍也自孝武出師攘之於漠北匈奴失陰山過之  
 未嘗不哭謂此山也其水西南逕武阜縣王莽之  
 未武也又南逕原陽縣故城西又西南與武泉水  
 合其水東出武泉縣之故城西南縣即王莽之所

孫君大行  
 山字市文  
 按

謂順泉者也水南流又西屈逕北與縣故城南接  
 地理志曰五原有南與縣王莽之南利也故此加  
 北舊中部都尉治十三州志曰廣陵有與故此加  
 北疑太疎遠也其水又西南入苦于水西南逕白  
 道南谷口有長城在右側帶長城背山面澤謂之  
 白道南谷口有城自城北出有高阪謂之白道嶺  
 公路惟土穴出泉挹之不窮余每讀琴操見琴慎  
 相和雅歌錄云飲馬長城窟及其坂陟斯途遠懷  
 古事始知信矣非虛言也顧瞻左在山樹謝朓由  
 作山椒之上有垣若頽基焉公路巖巖東西無極疑

名湯名橋

南齊高祖... 太平成有... 出定乘界... 老成... 為...

抗... 按... 惟... 凡... 戶... 年...

趙武靈王之所築也。荒于水。又南西逕雲中城北。

白道中谿水注之。水發源武川北塞中。其水南流。

逕武川鎮城。以景明中築。以禦北狄矣。其水西南。

流歷谷。逕魏帝行宮。東世謂之阿計頭。殿宮城在。

白道嶺北阜上。其城員角而不方。四門列。觀城內。

唯臺殿而已。其水又西南歷中谿。出山西南流於。

雲中城北。於雲中城北南注。芒于水。荒于水。及西塞。

水出懷朔鎮東北。芒中南流。逕廣德殿。西山。下余。

以太和十八年。從高祖北巡。屆於陰山之講武臺。

臺之東有高祖講武碑。碑文是中書郎高聰之辭。

九經注卷之... 卷三十一... 三十九十一

口懷朔... 胡... 相... 是... 于... 朔... 按... 互... 詔... 要... 年... 復... 柔... 陰... 楊... 晉... 陰... 拱...

也。自臺西。出南上山。山無樹木。唯童阜耳。即廣德

殿所在也。其殿四柱。兩厦。堂宇綺栱。圖書奇禽異

獸之象。殿之西北。便得焜煌堂。雕楹鏤椀。取狀古

之温室也。其時帝幸龍荒。遊鸞朔北。南秦王仇池

楊難當。捨蕃委誠。重譯拜闕。陛見之所也。故殿以

廣德為名。魏太平真君三年。刻石樹碑。勒宣時事。

碑頌云。肅清帝道。振攝四荒。有蠻有戎。自彼氏羌。

無思不服。重譯稽顙。恂恂南秦。歛歛推亡。峨峨廣

德。奕奕焜煌。侍中司徒東郡公崔浩。當作崔浩。之

... 卷三十一 ... 三十九十一 ... 鼎

金枝



各若新鑿焉。其水歷谷南出陰山西南入芫于水。芫于水又西南注沙陵湖。湖水西南入于河。

河水南入楨陵縣西北。

緣胡山。歷沙南縣東北。兩山二縣之間而南。一作出。

余以太和中為尚書郎。從高祖北巡。親所逕涉。縣

在山南王莽之楨陸也。北去雲中城一百二十里。

縣南六十許里有東西大山。山西枕河。河水南流。

脉水尋經。殊乖川去之次。似非關究也。

二又南過赤城。東又南過定襄。桐過縣西。

定襄郡漢高六年置。王莽之得降也。桐過縣王莽

更名楨桐者也。

河水於二縣之間。濟有君子之名。

昔漢桓帝十三年。西幸榆中。東行代地。洛陽大賈

齋金貨。隨帝後行。夜迷失道。往投津長。曰子封。見

引此無曰子封三字。漳疑當作田子封。是津長姓名。送之渡河。賈人卒死。津

長埋之。其子尋求父喪。發冢舉尸。資費一無所損。

其子悉以金與之。津長不受。事聞于帝。御覽有曰。

君子也。即名其津為君子濟。濟在雲中城西南二

百餘里。

河水又東南左合一水。

按通鑑卷之三十三。自之注。引津亦作田子封。其姓名。送之渡河。賈人卒死。津長埋之。其子尋求父喪。發冢舉尸。資費一無所損。其子悉以金與之。津長不受。事聞于帝。御覽有曰。君子也。即名其津為君子濟。濟在雲中城西南二百餘里。

水出契吳東山西逕故里南而北俗謂之契吳亭  
其水又西流注于河

河水又南樹頽水注之

水出東山西南流右合中陵川水水出中陵縣

黃本缺一字吳本補作東南山下北俗謂之大浴

山其水亦取各焉東北流逕中陵縣故城東北俗

謂之北右突城王莽之遮害也十三州志曰善無

縣南七十五里有中陵縣世祖建武二十五年置

其水又西北右合一水水自東山北俗謂之貸敢

山水又受名焉其水自西北流注于中陵水又西

北流逕善無縣故城西王莽之陰館也十三州志

曰舊定襄郡治地理志曰鴈門郡治其水又西北

流又石會一水水出東山下北俗謂之吐文水山又

取名焉北流逕鋤亭南西流土壁亭南西出峽左

入中陵水水又北分爲二水一水東北流謂之流

水又東逕沃陽縣坎城南李克家云坎城當作故城北俗謂之

可不湓城王莽之敬陽也又東北逕沃陽城東又

東合可不湓水出東南六十里山下西北流注沃

水合流會東逕叅合縣南魏因叅合陁以即名也北

俗謂之倉鶴陁道出其中亦謂之叅合口經左縣

依前編注引此  
注入校正  
全校

水經注卷之三  
三

故臨水注引流  
自思在空  
卷合

之西北即燕書所謂太子寶自河還師參合三軍  
奔潰即處也魏立縣以隸涼城郡也西去沃陽  
縣故城二十里縣北十里有都尉城地理志曰沃  
陽縣西部都尉治者也北俗謂之阿養城其水又  
東合一水水出縣東南六十里山下北俗謂之災  
豆渾水西北流注于沃水又東北流注鹽池地理  
志曰鹽澤在東北者也今鹽池西南去沃陽故城  
六十五里池水激渟淵而不流東西三十里南北  
二十里池北十里即涼城郡注注疑池西有舊城  
俗謂之涼城也郡取名焉地理志曰澤有長丞

地理志沃陽注云鹽澤在縣東北有長丞此城即長丞所治也城西三

里有小阜阜下有泉東南流注池北俗謂之大谷

此佳此佳二字疑誤水亦受目焉中陵川水自枝津西北

流右合一水於連嶺北出沃陽縣東北山下北俗

名之烏伏真山水曰誥升袁河袁河當西南流逕

沃陽縣左合中陵川亂流西南與一水合北俗謂

之樹頽水水出東山下西南流右合誥升袁水亂

流西南注分爲二水左水枝分南出北俗謂之太

河羅孫云大河羅右水西逕故城南北俗名之昆

新城其水自城西南流注于河

河水又南太羅水注之

水源上承樹頽河南流西轉逕武縣故城南十三  
州志曰武縣在善無西百五十里北俗謂之太羅  
城水亦藉稱焉其水西南流右水注之水導故城  
西北五十里南流逕城西北名之曰故槃迴城又  
南流注太羅河太羅河又西南流注于河

河水又左得湍水口

水出西河郡美稷縣東南流東觀記曰郭伋細侯  
郭伋下當爲并州牧前在州素有恩德老小相攜  
作字細侯道路行部到西河美稷數百小兒各騎竹馬迎

伋問兒曹何自遠來曰聞使君到喜故迎伋謝而  
發去諸兒復送郭外問使君何日還伋計日告之  
及還先期一日念小兒卽止野亭須期至乃往其  
水又東南流羌人因水以氏之漢冲帝時羌湍狐  
奴歸化蓋其渠師神當也其水俗亦謂之爲湍波  
水東南流入長城東鹹水出長城西鹹谷東入湍  
水又東南渾波水出西北窮谷東南流注于湍水  
湍水又東逕西河富昌縣故城南王莽之富成也  
湍水又東流謂之湍水左合一水出善無縣故城  
西南八十里其水西流歷于呂梁之山而爲呂梁

洪其巖層岫行

古本作巖層岫行

淵曲崖深巨石

崇竦壁立千仞

河流激盪濤湧波襄雷濟雲

一作

洩震天動地

日當

呂梁木闕河出孟門之上蓋

大禹所闢以通河也司馬虎曰呂梁在離石縣西

今於縣西歷山尋河乃無過也

為巨嶮即古古當梁矣在離石北以東可二百有

餘里

又南過西河固音陽縣東

西河郡漢武帝元朔四年置王莽改曰歸新固水

出上郡白土縣固谷東逕其縣地理志曰固水

出西東入河

前漢志上郡固水出其西

王莽更曰黃土也東至長城與神御

神御

水合水出縣南御山峽山東出至長城入于固固

水又東逕鴻門縣縣故鴻門亭地理風俗記曰固

陰縣西五十里有鴻門亭天封壇火井廟火從地

中出

漢地志云鴻門縣在八封壇火井廟火從地

水又東梁水注之水出西北梁谷東南流注固水

又東逕固陰縣北漢惠帝五年立王莽改曰方陰

矣又東桑谷水注之水出西北桑谷東北桑谷東

北流入于固固水又東逕固陰南東流注于河

河水又東端水入焉

水西出號山山海經曰其山木多漆櫟其草多芎

窮是多冷石按西山經云諸次山北百八十里曰

是多冷石郭注端水出焉而東流注于河

河水又南諸次之水入焉

水出上郡諸次山山海經曰諸次之山諸次水出

孫云按山海經諸次是山多木無草鳥獸莫居是

多象蛇其水東逕榆林塞世又謂之榆林山即漢

書所謂榆谿舊塞者也自谿西去悉榆林之藪矣

緣歷沙陵屈龜茲縣西出故謂廣長榆也王恢云

謂榆為塞謂此矣蘇林以為榆中在上郡非也

始皇本紀西北逐匈奴自榆中並河以東屬之陰

山然榆中在金城東五十許里陰山在朔方東以

此推之不得在上郡漢書音義蘇林為是失也其

水東入長城小榆林水合焉歷源西北古本作歷

窮谷其源也又東合首積水西出首積谿谿東注

諸次水又東入于河山海經曰諸次之水東流注

于河即此水也

河水又南湯水注之

山海經曰水出上申之山上無草木而多礫石下

多榛楛湯水出焉東流注于河也  
又南離石縣西奢延水注之

水西出奢延縣西南赤沙阜東北流山海經曰所謂生水出孟山者也郭景純曰孟或作明漢破羌將軍段熲破羌於奢延澤虜走洛川洛川在南俗因縣土謂之奢延水又謂之朔水矣東北流逕其縣故城南王莽之奢節也赫連龍昇七年於是水之北黑水之南遣將作大匠梁公叱于阿黎改築大城名曰統萬城蒸土加功雉堞雖久崇墉若新造五兵器銳精利乃成百鍊為龍雀大鐸號曰

大夏龍雀銘其背曰古之利器吳楚湛盧大夏龍雀名冠神都可以懷遠可以柔逋如風靡草威服九區世甚珍之又鑄銅為大鼓及飛燕翁仲銅駝龍虎皆以黃金飾之列於宮殿之前則今夏州治也奢延水又東北與溫泉合源西北出沙谿而東南流注奢延水奢延水又東黑水入焉出奢延縣黑澗埤云當作奢延水又東與黑水合黑水出奢延縣黑澗謝朓申云按宋本黑水入焉水出奢延縣黑澗宋刻本無焉水二字東南歷沙陵注奢延水奢延水又東合交蘭水出龜茲交蘭谷東南流注奢延水奢延水又東北流與鏡波水合水源出南邪山南

漢志上郡有龜  
其與何校補

谷東北流注于奢延水奢延水又東逕膚施縣帝

原水西北出龜茲縣東南流縣因處龜茲隆胡著

稱又東南注奢延水又逕膚施縣南秦昭王三年

置上郡治漢高祖并三秦復以為郡王莽以漢馬

員為增山連率歸世祖以為上郡太守司馬彪曰

增山者上郡之別名也東入五龍山地理志曰縣

有五龍山也帝原水自下亦為通稱也按漢地志

縣有五龍山帝原水陽周縣橋山歷長城東出于

有黃帝塚而西河自增山縣赤翟白翟之中又有年水謝北中云年水出西北

平谿東南入奢延水又東走馬水注之水止出謝云

誤當西南長城北陽周縣故城南橋山昔二世則

蒙恬死於此王莽更名上陵時山上有黃帝塚故

也帝崩惟弓劍存焉故世稱黃帝仙矣其水東流

昔段熲追羌出橋門至走馬水聞羌在奢延澤即

此處也後漢書段熲追羌出橋門至走馬水上尋

二百餘里門即橋山之長城門也始皇令太子扶蘇與

蒙恬築長城起自臨洮至于碣石即是城也其水

東北流入長城又東北注奢延水又東與白羊水

合其水出于西南白羊谿迤谿東北注于奢延水

奢延水又東入于河山海經曰生水東流注于河



河水又南陵水注之

水出陵川北谿南逕其川西轉入河

河水又南得離石水口

離石北山南流逕離石縣故城西史記云秦昭王伐趙取離石者也漢武帝元朔三年封代共王子劉綰為侯國後漢西河郡治也其水又南出西轉逕隰城縣故城南漢武帝元朔三年封代共王子劉忠為侯國王莽之慈平亭也胡俗語訛尚有中城之稱其水西流注于河也

又南過中陽縣西

中南縣故城在東東翼汾水隔越重山不瀆于河也孫云中南疑作中陽又南過土軍縣西

吐京郡治故城即土軍縣之故城也胡漢譯言皆訛偽變矣其城員長而不方漢高帝十一年以封

武侯宣義為侯國縣有龍泉出城東南道左山下牧馬川上多產名駒駿同滇池天馬元下脫其水

西北流至其城東南土軍水出道左高山西南注之龍泉水又北屈逕其城東西北入于河

河水又南合契水

北平河記

三

三

全

全

九法志  
一川字

傍谿東入窮谷其源也又南至祿谷水口水源東窮此谿也

河水又南得大蛇水

發源谿首西流入河

河水又南又納辱水

舊本作河水又右納辱水

山海經曰辱水出于鳥山其上多桑其下多楮陰

多鐵陽多玉其水東流注于河俗謂之秀延水東

流得浣水以傍谿西轉窮谿便即浣水之源也秀延

水又東會于根水西南谿下根水所發而東北注

秀延水東南露跳水西出露谿東流又東北入秀延水

三

亂流注于河河水又南左合信支水水發源東露西流入于河河水又南左會石羊水巡谿東入道源窮谷西流注入河

又南過上郡高奴縣東

域谷水東啓荒源西歷長谿西南入于河水又南

合谿口水出孔山南歷谿西流注于河孔山之上

有穴如車輪三所東西相當相去各二丈許南北

直通故謂之孔山也山在蒲城孫云蒲城當非蒲城西南三

十餘里河水又右會區水山海經曰次四經之首

曰陰山西北百七十里曰申山其上多穀柞其下

天下實有之

多<sup>水</sup>扭樞<sup>多</sup>金玉區水出焉而東流注于河世謂之  
清水上郡東流入于長城逕老人山下又東北流  
至老人谷傍水北出極谿便得水源清水又東得  
龍尾水口水出北地神泉鄯北山龍尾谿東北流  
注清水又東會三湖水水出南山三湖谷東北流  
入清水清水又東逕高奴縣合豐林水地理志謂  
之洧水也故言高奴縣有洧水肥可難難古水上  
燃字  
有肥可接取用之博物志稱酒泉延壽縣南山出  
泉水大如筥注地為溝水有肥如肉汁取著器中  
始黃後黑如凝膏然極明與膏無異膏車及水碓

缸甚佳彼方人謂之石漆水肥亦所在有之非止  
高奴縣洧水也項羽以封董翳為翟王居之三秦  
此其一也漢高祖破以縣之王莽之利平矣民俗  
語訛謂之高樓城也豐林川長津瀉注北流會洧  
洧水又有谿谷水注之水西出奚川東南流入洧  
水又東注于河

河水又南蒲川石樓山南逕蒲城東

即重耳所奔之處也又南歷蒲子縣故城西今大

魏之汾州治徐廣晉紀稱劉淵自離石南移蒲子

者也闕駟曰蒲城在西北谿武置谿舊作溪宋本  
作漢武下脫一

卷之三  
三十三

帝字漢志蒲子縣屬河東應其水南出得黃盧水

劭云即蒲坂舊邑漢武帝置只東出歷蒲子城南東北入谷極谿使水之源也

又南合紫川水水出東北出紫川谷西南合江水

江水出江谷西北入紫水紫水又西北入蒲水蒲

水又西南入于河水河水入南黑水水出定陽縣

西山二源奇發同瀉一壑東南流逕其縣北又東

南流右合定水俗謂之白水也水西出其縣南山

定水谷東逕定陽縣故城南應劭曰縣在定水之

陽也定水又東注于黑水亂流東南入于河

水經注箋卷第三

定陽縣故城南應劭曰縣在定水之陽也定水又東注于黑水亂流東南入于河